



کسمه شیکسته قاناد

شاعیر: اسد نیکفال «فریاد»

Türkü qəzəllər

Şair: Əsəd nikfal "Fəryad"

نشر یایلیق

سرشناسه	: نیکفال، اسد، ۱۳۴۵ -
عنوان و نام پدید آور	: کسمه شیکسته قاناد / شاعر اسد نیکفال «فریاد»
مشخصات نشر	: اردبیل: یایلیق، ۱۳۹۰
مشخصات ظاهری	: ۲۳۸ ص
شابک	: ۹۷۸-۶۰۰-۹۲۱۷۳-۳-۵ 978-600-92173-3-5
وضعیت فهرست نویسی	: فیبا
موضوع	: شعر ترکی -- ایران -- قرن ۱۴
رده بندی کنگره	: ۱۳۸۹ ک۵۹۴/ن۳۱۴ PL
رده بندی دیویی	: ۸۹۴/۳۶۱۱
شماره کتابشناسی ملی	: ۲۲۳۶۵۸۸



نام کتاب: کسمه شیکسته قاناد

شاعر: اسد نیکفال «فریاد»

انتشارات: یایلیق

طرح روی جلد: مهیار علیزاده

تایپ و الفبای لاتین: میهن کریمی

صفحه آرایشی: بهرام بابایی - حسن قربانزاد

نوبت چاپ: اول

شابک: ۹۷۸-۶۰۰-۹۲۱۷۳-۳-۵

بهاء: ۳۵۰۰۰ ریال

تیراژ: ۱۰۰۰

نقاش: نسترن نیکفال

بو ڪتاب ياشايشيىمين اوچ سئوگى نوقطه سینه تقدیم اولونور:
بیر عؤمور شرفله ياشايان آتام شکور نیکفال،
صداقتی انویمیزی ایشیقلا نديران انام مرضیه حسن خانى،
و محبتى بو کتابى سونا چاتديران حیات يولداشیم نسرین علیزاده.

Bu kitab yaşayışımın üç sevgi nûqtəsinə təqdim olunur:
Bir ömür şərəflə yaşayan atam Şəkur Nikfal,
Sədaqəti evimizi işıqlandıran anam Mərziyə Həsənxanı,
Və məhəbbəti bu kitabı sona çatdıran həyat yoldaşım Nəsrin Əlizadə.

كتايين ايچينده كىلر:

۵.....	يارا يارا.....
۷.....	فرھجلى باخيش.....
۹.....	آتا- قارداش.....
۱۱.....	قىزىل قفس.....
۱۳.....	آلۇولو قاناد.....
۱۵.....	بلالى بخت.....
۱۷.....	غم حجلھسى.....
۱۹.....	آيسيز.....
۲۱.....	داى منى مېنتلھمە.....
۲۳.....	يۇنگول، آغير.....
۲۵.....	اۋزوم كېمىم.....
۲۷.....	يئددى گۇي غيرت.....
۲۹.....	قاراگون.....
۳۲.....	جان جان.....
۳۴.....	خبر آل.....
۳۶.....	آلاقارغا.....
۳۸.....	گۇز وار ايشىق يوخ.....
۴۰.....	گېزلىن آخ وای.....
۴۲.....	آغزىمى آچما.....
۴۴.....	ھۇرومچك تارى.....
۴۶.....	بىلمم نە دئىم.....
۴۸.....	قوجا سوبای سۇز.....
۵۰.....	دان اولدوزوم.....

۵۲.....	كىم كىمەدى.....
۵۴.....	كىسە شىكىستە ناماز.....
۵۶.....	چىرىنبە پايى.....
۵۸.....	مىن دە سىن دە.....
۶۰.....	يام ياشىل.....
۶۲.....	ئىچچە.....
۶۴.....	بىر كوزە اوخاى.....
۶۶.....	دولان سىنىزلىكى.....
۶۸.....	نە دوشمىدى بۇ دوست.....
۷۰.....	مىنى سۇندورمە.....
۷۲.....	ناغىل.....
۷۴.....	قان پردەسى.....
۷۶.....	بىس كىم بىلەجىك.....
۷۸.....	بايرام پايى.....
۸۰.....	چوخ آز.....
۸۲.....	غنىم.....
۸۴.....	دوروم گىلدىم.....
۸۶.....	تىكجە سىگار.....
۸۸.....	پارچا- پارچا آرزى.....
۹۰.....	نە دىيىم.....
۹۲.....	ھەر ايكىسى.....
۹۴.....	بختىم.....
۹۶.....	آرخاسىز.....
۹۸.....	جەنم تۆكۈلۈر.....

۱۰۰	 من اۆلندن سونرا
۱۰۲	 يارا شاعيري
۱۰۴	 سنسيز
۱۰۶	 كس ها كس
۱۰۸	 بير آغيز هاوا
۱۱۰	 شيرين درد
۱۱۲	 نه تئز يوباندين سن
۱۱۴	 سوسوز سۆز
۱۱۶	 خبر سيز
۱۱۹	 اوجا بوي كفن

يارا يارا

بیر گون آخیر کۆنول قوشوم قول- قانادی يارا يارا
قانادلانار يارا طرف هیجران قلبین يارا يارا

عشق عالمی چوخ گۆزهلدیر، چوخ دا گۆزهل قایداسی وار
عاشیق کئچیر اؤز جانیندان، وورمور آنجاق يارا، يارا

آراز گلیر دهییر داشا، بئله دئییر داشا داشا
ووروبدو کۆنلومه منیم خانچوبانلا- سارا، يارا

اگر گولو سارالتدیلار خارا دئنن چوخ تلسمه
مگر گوله يارا ووران، وورمایاجاق خارا يارا؟

اوره کلره باخسان اگر هر بيرينده مين يارا وار
قوجا صياددير بو دونيا بيلير وورا هارا يارا

زامان توتدو کامانيني اوخون آتدي منه ساري
کؤنلوم اولدو ايکي پارا، پارا نيسکيل پارا- يارا

اوخ ياراسي گئدهر آخير، گئتمز آنجاق ديل ياراسي
يارا اگر ديلدن اولسا نئجه گلر کارا يارا؟

گئجه گلدی گون قارالدي بئله دئديم اؤز اؤزومه؛
نئجه فلک راضي اولور آغا وورا قارا، يارا؟

دئيلر يوخا زيان گلmez کاش وار اولوم زيان گلسين
يوخ کي، يوخدو «فرياد» دئنن دهيسه دهير وارا يارا.

اردییل ۱۶ ۶۶/۶۷

بو غزلىن باشلانېشى عزيز قارداشىم الهوردى نيكفال «مىلاد» داندېر

فرەحلى باخىش

او قدر غم قالايىدىر زمانە كۈنلۈمدە
چكىر تىنور جەھنم زبانبە كۈنلۈمدە

بو كۈنلۈم اوخشاسا گر قانلى سىنگرە نە عجب
ئەندە تىر بلایا كمانە كۈنلۈمدە

قلم الیمدە كاغاذ سینه سینه اود قالاییر
یانیقلى كلمە گلندە بیانە كۈنلۈمدە

قوشون چمىدە قانا، باتماغین اینانمازدیم
بویانماسایدی اگر آرزى قانە كۈنلۈمدە

اگر کی قوش کیمی هر دامه اویمادیم آنجاق،
سالییدی یئر یارالار دانه- دانه کۆنلومده

فره حلی بیر باخیشا یئر تاپانمیرام نیلیم؟!
غم آدلی بایقوش ائدیپ آشیانه کۆنلومده

زهرلی دیل یاراسیندان هوشندیم، آغلامادیم
چوخ اییدی یوخسا گؤزوم چون بهانه کۆنلومده

وفادان آیری گزه ن کیمسه دن وفا اومدوم
ووراندا بذر محبت جوانه کۆنلومده

آللودورسا ایچیم داغ کیمی یاشیلدی باشیم
سیزیلتیلار اوخویورلار ترانه کۆنلومده

بو گؤز لریمدن اگر سوزسه مین، سکوتلو باخیش
یاشیلانار یئنه «فریاد»ه لانه کۆنلومده.

تهران ۷۴/۵/۲۱

آتا- قارداش

ساوالان باغرى تىك اودويلا دولسام
باھارين دۇشوندە گول كىمى سولسام
نامردلر قارشىندا كۆمىك سىز اولسام
قارداش چاغىرارام آتا سىلرەم.

اونلار بىر طرفدە من بىر طرفدە
قوش بىر طرفدە دىر دن بىر طرفدە
يولومو باغلاسا چن بىر طرفدە
قارداش چاغىرارام آتا سىلرەم.

آيريليُق جان تاپيب رنگه گلنده
غصه لـر منيمله جنگه گلنده
غربتده نفسيم تنگه گلنده
قارداش چاغيرارام آتا سسلره م.

آتا بير نعمتدير بؤيوكـدور آدى
قارداشدير قارداشـين قولـو- قانـادى
بيرر آز آجـيلاشـسا آغـزيمـين دادى
قارداش چاغيرارام آتا سسلره م.

دوشـنده دومانـا باتانـدا چنـه
قلانـدا قفسـده باخانـدا دنـه
دالـدان نامرد اوخـو دهـينـده منـه
قارداش چاغيرارام آتا سسلره م.

باش آلچاقلانانـدا آيـاق گولـنده
دريـا قورويانـدا بـولاق گولـنده
اورهـك آغلـايانـدا دوداق گولـنده
قارداش چاغيرارام آتا سسلره م.

۷۸/۴/ ۲۴

قىزىل قفس

كۈنول قان آغلا كى، مئىخانهلر چىخىب ياددان
اۋپوشلو، سئومەلى پىمانەلر چىخىب ياددان

سىنىق اورەكلەرە يول گۈستەرە قىزىل سۇزلر
ئىچون بو گىجلى وىرانەلر چىخىب ياددان

تىكانلار اوز- گۈزونو ئىل تومارلايىر چۈلدە
حنالى ساچلار اوچون شانەلر چىخىب ياددان

قوشون دا قوشلوغونو سىم و زر آلىب الدن
قىزىل قفس دوزەلىب لانەلر چىخىب ياددان

خجالتیندن اریر اولسا غیرتی شمعین
اښیتسه باغچادا پروانه‌لر چیخیب یاددان

هاچاندی حلقه‌له‌ین یوخدو عشق زنجیرین
بو چۆلده اولمایا دیوانه‌لر چیخیب یاددان؟

چمنده دانه‌لری دانه- دانه یئل آپاریر
قفسده قوشلار اوچون دانه‌لر چیخیب یاددان

او گون کی، «فریاد»یمی باغلادی قیفیللی سکوت،
تیکان دیل آچدی کی، ریحانه‌لر چیخیب یاددان

گلین وئره‌ک ال- اله عشقی دوشمه‌سین گؤزدن
دئیر تانیشلاری بیگانه‌لر چیخیب یاددان.

تهران ۷۶/۱۰/۲۰

آلولو قاناد

قارالسا گۆيچك اوزونده سارى تئل آهيمدن
شالاله ساچلاريني گيزله در زيل آهيمدن

يئل اسسه شعله نر شاخه لر آغاجلاردا
كى بير آلولو قاناد بورج آليب يئل آهيمدن

من اولدوغوم يئره بير كيمسه اوز دولاندير مير
گليبدى تنگه مصيبت چكن ائل، آهيمدن

سرينليك اومماسين ائلر سرين بولاقلاردان
بولاق ندير، اولوب اود پارچاسى سئل، آهيمدن

فلق منىمله نىسلنسە گۇى دە كۇرپو وورار
شفق باغىندا بىتر اودلو بىر گول آھىمدن

دەيندە زخمە تارا اود توتاردى اوچ ماھور
سىزىلتى اۇيرەنە بىلسەيدى بىر تئل آھىمدان

آلولو آھىمى يئللىر آپارسا صحرايە
آلولو داغ كىمى «فرياد» ائدەر چؤل آھىمدن.

تھران ۲۸ / ۷۷

بلالی بخت

نە حالدا گۆردو منى چىخدى داش داشلىقدان
باش اوستە چىخدى آياق، اولدو باش باشلىقدان

مرامى ايرى اولاندان صداقت اومما كۆنول
نە دوزلوك اۆيره نه جك ايرى قاش، قاشلىقدان؟

داشين باشيندا اونوتماز اوزون حماسه لى موج
اگر بئزىكمه سه بير دامجى ياش، ياشلىقدان

ائله ي كى گۆردو كى من ، منده قالسام اؤلمه ليم
هوشندى بير اوزوك اوستونده قاش قاشلىقدان

بلالی بختە دئەدیم مندن ال چک انصافسین
دئەدی نەجور چکر ال چۆلدە داش داشلیقدان

قازان اوزون قارا اولسون او قدر دۆزدون اودا،
هئچ اولدو ایران آخیر چیخدی آش آشلیقدان.

تهران ۷/۸/۷۷

غم حجلەسى

گوللر دىل آچار وای شووۋەنە، يىللر اسندە
كۆنلۈم چوبالار سىنەدە نىلوفر اسندە

غم حجلەسى گۆيدە قورولار اوخ پر آچاندا
پىرواز باتار ماتمە قانلى پر اسندە

ای کاش بو احساسیم حرارتلى قالایدی
آغوشه آلايدیم چىچەيى يىللر اسندە

ای کاش صدف درده دۈزه گوهره خاطير
رۇياسى شىرايىن داغىلار ساغر اسندە

ای کاش قلم تیره‌میه سوسمایا بارماق
احساس، دومانلیقدایاشار باور اسنده

ای کاش سسیم اسمیه «فریاد»ه گلنده
زولفون الی‌ال‌دن اوزولر معجر اسنده.

تهران ۷۷/۸/۲۰

آيسيز

عاطفه سولطانييام آنجاق ساراييسيزلاردانام
ايتميشم سايسيز يانانلار ايچره سايسيزلاردانام

اودلو غملر دولدورويبدور كؤنلومو چيخمير سسيم
بير سوسان وولقان كيمي چوخداندى هاييسيزلاردانام

اود توتوب يانسام ايشيقلانديررام آيسيز داغلارى
كيم بيلن بيلسين گونش سيزلردن، آيسيزلاردانام

گؤزلىمدن پارچا- پارچا اود ياغير دامانيمه
ايلديريم وورموش چؤلم، چؤللرده چايسيزلاردانام

شورو نالم يانديرار دينديرسلر ساز تك منى
دادلى بير سس اولسادا منده، ناناييسيزلاردانام

منده عشق اؤلدو، اورهك اهيلشدى سس سيز آغلادى
اوخشاين يوخدور منى اى واى كى واى سيزلاردانام

ياره ناز ائتمكده تاي يوخدور منه صبر ائتمده
من ده اؤز نؤبمده بو دونياده تاي سيزلاردانام

ايلديريم تك «فرياد» اگلسم بولوددان سؤز ياغار
اهل ديل يوخدور اونون چون داد- هاراي سيزلاردانام.

تهران ۷۸/۱۱/۲۴

دای منی میتله مه

اوجیکیمی داشلادین دای منی میتله مه
عشقی داشا توشلادین دای منی میتله مه

من آغاجین بوینونا آت کیمی میندیم چاپام
تئز آتیمی داشلادین دای منی میتله مه

یاز کیمی بیز یام یاشیل بیر اویونا باشلادیق
سن نییه تئز قیشلادین دای منی میتله مه

قارنینا چکدین صابین، وئردیله بال بلله سین
یولداشی آج بوشلادین دای منی میتله مه

ھاردا ھاوا چالدىلار بىزلرى اويناتماغا،
اوردا نىناش ناشلادىن داي منى مېتلىمە

بىزىدە گلىب اوينادىن نوبە يىتىشچى سىزە،
آغلاماغا باشلادىن داي منى مېتلىمە

اويناماق اولماز بىلە چىخ بىزىم ائودن چۆلە
سن كى دىغال خوشلادىن داي منى مېتلىمە

لال دىلە گول باغلادىن، آمما منى گۆرجه يىن،
«فرياد»ى آلقىشلادىن داي منى مېتلىمە.

اردبىل اسد نىكفال «فرياد»

يونگول، آغير

سونسوز زمانه بير قارى تك هئى ساغير بيزى
بيلمم تانيتدير يېر اونا كيم فاغير بيزى؟

غم چكميشيك او قدرى كى غم بيزده جانلانير
گؤزلر بولود كيمين دانيشاندا ياغير بيزى

بوندان بئله گلنلرى بوغماقدا سوس، آراز
خانلار يوگورسه اوستونه هاى سال، چاغير بيزى

اوچماقدا يونگول اول اوجا داغ تك آغير ياشا
بيلسين كيميك يئل ائيلهسه يونگول، آغير بيزى

کور او غلودور بیـزیم آتا، بابک نیشانلیق
یاددان چیخیلسالار چاغیرارلار صاغیر بیـزی.

اردبیل ۱۴ / ۸ / ۸۱

اۋزوم كىمىيىم

ھەر بىر سۆز دىيىلم يازاسان منى
كسە يول دىيىلم آزاسان منى
يا بىر قىير كىمى قازاسان منى
ھەر نەيىم اۋزومم اۋزوم كىمىيىم
ھەر نەيىم اۋزومم اۋزوم كىمىيىم

قورغاتك ساج ايچرە اوينامارام من
ھەر آشدا قارىشىپ قاينامارام من
نئجە كى يازىرام اوجور وارام من
شعرىمدە ياشارام سۆزوم كىمىيىم
ھەر نەيىم اۋزومم اۋزوم كىمىيىم.

اۋزومىدىن چىخمارام بوش طيىل كىمى
آياق يالامارام ياغلى دىل كىمى
سوپورگەلنمىرەم زىرزيىل كىمى
كولە دۇنمەمىشەم كۆزوم كىمى
ھەر نەيمە اۋزومم اۋزوم كىمى.

ياشىل ياشامسام يازدان دئمەرم
سىزىلتى بىلمەسم سازدان دئمەرم
دۇزوموم اولماسا نازدان دئمەرم
دۇزموشمە دۇزەرم دۇزوم كىمى
ھەر نەيمە اۋزومم اۋزوم كىمى.

سازىم قىرىلىسا سۆزوم دانىشىر
«فرىاد» يىم يانىسا كۆزوم دانىشىر
دوداغىم سوسوبسا گۆزوم دانىشىر
گۆزومدىن سورىمى گۆزوم كىمى
ھەر نەيمە اۋزومم اۋزوم كىمى.

اردىيل ۸۲/۱/۵

يئددى گۇي غىرت

دويغولار نەشى گئدير قىره گومان چيىنىندە
ئىچە ضحاک ایلان واردی زامان چيىنىندە

قوپا- قوپا دوزولن دوزلویو گۇرسەیدی فلک
مین پالاز اولدوز اوتورمازدی یالان چيىنىندە

قانی یوخلار قفسینده نه سوسوبسان قاناد آچ
يئددى گۇي غىرتە باخ اوچ لکه قان چيىنىندە

قات با قات یاغ اوتوروبدور آشین اوستونده باخین
اینانین کی یاشاییر یاغلی یاوان چيىنىندە

قاچ ھا قاچ دوشدو قارا يئل يوگورنده قاپيا
سارى تئل قيز كيمي گون قالدی دومان چينينده

اووچو قويجاق ديزيني تورپاغا جئرانليقدا
اوخ الينده اوزون اولدوردو كامان چينينده

بو قارانليقدا يئرین هر گئجه بير چينی باتير
گونشی ساخلايا بيلمير بو باتان چينينده

چوخ جاوان قبره قويوبدور قوجا دونيا عزيزيم
قوجا تورپاغه گئدر گرچی جاوان چينينده

اودلو «فرياد»ه دؤنوب سونسوز اوره كلرده ياشا
دئمه ميش گئتدی فيلان كس ده فيلان چينينده.

اردییل ۱۵ / ۸۲/۲

قاراگون

صوبح آچیلدی یئنه گلدی قاراگون
هایانا گئتمه لیم من قاراگون؟

اوره ییمدیر کی بورونموش کفنه
سانما داغلاردا باتیدیر قاراگون

ماوی گوی ده ساری تئل بیر قیزتک
ساجلاریندان آس ییلیدیر داراگون

چایلار آیناندی آغاجلار داراغین
یایلیغی آچ ساجینی بیر داراگون

گرچی یاریم منە گون آغلامادی
بیر عۆمور آغلامیشام من یارا گون

گۆی قوجاغیندا سیزیلدار یاراسی
آناسیندان دا گۆروبـدور یارا گون

بیر ئیری یوخـدو قالییدی آرادا
هـارا گئتسین، هـارا گئتسین هـارا گون؟!

یالواریر سن گئیری دور من ده چیخیم
نه روادیر کی، آیا یالوارا گون

اورهیی یانمیش او دا من کیمی دیر
اؤز الیندن ده گلیب زینهـارا گون

آرازا دوشـدو موغان توتـدو آـوو
خانچوبان سؤیله دی اولموش سارا گون

نه گؤزو داردی بو دنیا کی قویوب
یئددی گۆی سوفره سینه بیر پارا گون

شاه شطرنج فلک‌دیر «فریاد»
مات اولوب کفريله ایمان آرا گون.

اردیبل ۸۲/۵/۱۲

جان جان

ياندين اوره ييم كيمسه سنه يانمادى جان جان
شام تك اريدن صوبحون ايشيقلانمادى جان

هر كيمسه دن ال توتدون آياقدان سنى سالدى
يانسين او اوره كلر كى سنه يانمادى جان جان

جان جان اوره ييم هر گوله گولدون تيكان اولدو
ياز دا يازييا دۇندو ياشيقلانمادى جان جان

هر غملى باخيشدا بولاق اولدون گۇزوم آنجاق،
بيير گۇزده سنه دونيادا ايسلانمادى جان جان

سن داشلارا دا جان دئدين افسوس اوره كلر
دؤندو داشا داش قاندى اولار قانمادى جان جان

سئودانى دانانلار سنى داندى گونه چيخدى
سولدى او سئوئلر كى سنى دانمادى جان جان

صياد قوران تورلارا اولاندى او جئيران
دوز عشقينه كؤنلوم ندىن اولانمادى جان جان

ياندى اته ييم سن ده اتك ووردون آليشديق
هئچ كيم ايكيميزدن سورا اولانمادى جان جان

اوز لوكلره آلداندى او قدر اينالى كؤنلوم
(فرياد)ه گلن دوزلويو دوز سانمادى جان جان

اردبيل ۸۲/۵/۲۰

خبر آل

نالەدە گىزلەنن احوالىمى ئىدىن خبر آل
منى مىندەن آيىران حالىمى مئىدىن خبر آل

گوزگو كۈنلۈم نىيە سىندى داش اورەكلردن سور
قوش اوچاندا نىيە باتدى قانا، لئىدىن خبر آل

يىخىلىپ دورماغىما باخما، سىنىق پنجرەيم
ئو يىخىلدى، دووار اوچدو نىيە؟! پئىدىن خبر آل

توتولوبدور اورەيىم داخماداكى كۈلگە كىمى
گونشەن اويناغىنى گوللو گونئىدىن خبر آل

هر نه گلدی باشیما بیلمه‌دیم هاردان گلدی
قیچ کی پامبیقلا داشی سئچمه‌دی کئیدن خبر آل

لاله‌نین ده قاریشیب قیرمیزی گؤز بختی قانا
دیلی گل‌میرسه سؤزه قانلی گیلئیدن خبر آل

مرد آياق اوسته دورانماز کی، داغی داغ اریدیر
دیزی اوسته یئرہ چؤکمک ندی هئیدن خبر آل

قال اورہ کلرده یاشا یاز یا دا قیش، گئتمه‌لیسن
اینامین یوخدورسا فروردینه، دئیدن خبر آل

دئدیم آی داغ دایاق اول سئوگیمه داغ سؤیله‌دی ای ی
سوسدو (فریاد)یما سس وئرمه‌دی ائیدن خبر آل.

اردییل ۸۲/۶/۹

آلا قارغا

مین ایل یاشاسا ذلت ایچینده آلا قارغا
سانمام کی، اوره کلرده قالارغی قالا قارغا

بیر آن یاشاماق، مین ایل اولومده یاشاماق یوخ
آزادلیغی کاش دالغادان ایلهام آلا قارغا

ال تک قانادین گور نه آچیر قوشلار اوچاندا
سانکی چئویریرلر سینه گوییدن آلا، قارغا

قوزغونلار آرا آی ساری بولبول نه گزیرسن؟
قان قایناغیدیر بورددا چیخارتماز بالا قارغا

آزاد ياشاماق، آز ياشاماق، ناز ياشاماقدير
قارتالدىن اكر آنلاسا قالماس دالا قارغا

بىر يىردە كى ھامى گۈزۈ ساتمىش چلىك آلمىش
وار قورخو قارانقوشلارى گۈزدن سالا قارغا

گاھ باغدا گزىر گاھ دولانىر زىر- زىيىل ايچرە
سن دوشمە كۈنۈل دوشسە دە خالدىن حالا قارغا

بىلىم ندى بو، قوشدو يا دا گۈيدە اوچان ھىچ
بىر آن مىخا دۈيدو داھا بىر آن نالا قارغا

بايقوشلارىلان قول- بويون ئات آنجاق، اىلاھى،
قىيما يارالى دورنانى تىز- تىز چالا قارغا

آيدىن سحرىن اوز- گۈزونو سن قورو، (فرياد)
چال چال گىجەسى اھيسە بويون چال چالا قارغا.

اردىيل ۸۲/۷/۱

گۆز وار ایشیق یوخ

گل اوخشایاق گوله گوللوکده ژاله دن گیزلین
گوله- گوله سارالاق اودلو ناله دن گیزلین

یئره دوشنده ده گۆیدن یماجلارا سپیلک
اۆلک دیریلمه یه خاطیر شالاله دن گیزلین

گره کدیر آلی آچیق دالغالار کیمی یاشایاق
بو آلنیمیزدا یازیلیمیش حواله دن گیزلینپ

آلولو سۆزلرلین گل گئده ک دوداق- دوداغا
اۆلونجه کئفله نک آنجاق، پیاله دن گیزلین

گونش ده بیزلره گؤز وئرسه آي ايشيق وئرمز
ائکيز تاي اولدوزوم اول پارلا هاله دن گيزلين

يانير، قانا بويانير داغ ايچينده سس سيزلر
چيراق چيلچيله دن، لاله لاله دن گيزلين

اينان گوزومده كي (فرياد) ي دردنامه سي دير
بو سيرري سن اوخو سن بيل رساله دن گيزلين.

اردبيل ۸۲/۷/۵

گیزلین آخ وای

هر نئچه قوش ووردولار بیزدن سایین گیزلتدیلر
اووچولار اوخ آتدیلار آنجاق یایین گیزلتدیلر

بیلدیلر کی خونچا سیندی، بوخچا گئتدی تاخچایا
سوفره دن چرشنه لر، بایرام پایین گیزلتدیلر

گوردولر کی، گوزلریم آی تک دانانمیر گوردویون
بیر تاین یاندر دیلار سا بیر تاین گیزلتدیلر

ووردولار هر کس دیله گلدی، دؤنوب ال چالدیلار
نای- نای ایچره اهل دردین آخ- وایین گیزلتدیلر

قورخدولاركى گۆز ياشى گۆزدن دوشه مىروارى تىك
دالغانىن ساحىل دۇشوندە ناي- نايىن گىزلىتىلەر

قارغالار نىرگىس ياتان گولشندە قار- قار ياغدىلار
باغچادا سىزغىن ئىلىن دە لاي- لايىن گىزلىتىلەر

اوزدن آھو دالدىن آنجاق قوردا بنزەر چوخلارى
گوزگولردە بونلارنىن چىركىن تايىن گىزلىتىلەر

بوش طبىل تىك بىسكى ئىرسىزدىل تۆكۈب ھاي سالىدىلار
(فرياد)ىن دا تار كىمىن اودلو ھايىن گىزلىتىلەر.

اردىبىل ۸۲/۷/۱۰

آغزىمى آچما

يىرسۇزەم ياندىغىچا كۆز- كۆز اۋزومدىن سوزورم
يىر داغام جوشدوغوجا اودلو گۈزومدىن سوزورم

يىر ساعات تىك بىلە بىلمى كى نىيە يول گىدىرم
آددىم- آددىم نە دىيىم آنچاق اۋزومدىن سوزورم

قانلى تىل يىر تارام آيدىنلىق اومان آينالارا
پىردە- پىردە دىلە گىلدىكچە سۈزومدىن سوزورم

ياسدا دا، تويدا دا شام تىك يانيرام مىن قاراگون
دۈزورم ھىر اودا دۈزدۈكچە دۈزومدىن سوزورم

اودلو بير (فرياد) بنزر گۇزومون هر باخيشى
آغزىمى آچما كى سىس سىزجه كۇزومدن سوزورم

اردبيل ۸۲/۱۱/۱

ھۈرومچك تارى

آدى باتمىش تارىمىن ياندى دىلى باتدى سسى
نە قەدەر سىلكەلەدەيم وئرمەدى ھاي باتدى سسى

تئل بە تئل يولدو ساچىن تۆكدو ھۈرومچك يولونا
توزلو بىر تاخچادا شىطان تورونا ساتدى سسى

ال يئتىرسەيدىم اونا دىندىرەجكدىم اورەيىن
نە منە اللرى چاتدى نە سەنە چاتدى سسى

تار گلندە دىلە اوينارسا گلىنلەر، قىزلار
گۆز گىلمدە ياشى بىلمم نەن اويناتدى سسى

تار دا گۆردو سسى چىخسا دىلى كۆكدن چىخاجاق
توتدو هوپ توتمادى بىر دم ھەلىك آتدى سسى

آتدیم ال پرده سینه دیرناغیما قان دولدو
پرده- پرده اورەییمنده قانى قايناتدی سسى

اۆلدو تار سینهمین اوستونده یئتیم قالدی سیمی
باشلادی وای- شووہنہ آغلادی آغلادتدی سسى

بیر سینیق تار کیمی (فریاد) ائله دیم دینلہ: منی
دینمەدی سوسدو بو سوسقونلوغو دیغلادتدی سسى.

اردبیل ۸۳/۲/۲

بىلىم نە دىيىم

نە دىيىم آخ، نە دىيىم من، گۈزە قاشدان نە دىيىم
سن دە دۇندون داشا بىلىم، داشا داشدان نە دىيىم

ھى داشىر چىرىچالانىر، حسرتى املىك قوزونون
بىر ساغىلمىش قويونا، بو داشا داشدان نە دىيىم

اورەيىم دولدو، غمىم داشدى، يوخوم ايسلاندى
يوخوسوز گۈزلرىمە، بىر بىلە ياشدان نە دىيىم

قاشا خاطىر اوزويوم، آغزىن آچىر ھەر گلنە
قاش - گۈزون آتمادادىر قاش، بىلە قاشدان نە دىيىم

سئل ده اولسام، داشا ده یدیکجه باشیم پارچالانیر
آیاق آلتیندا قالان داشلارا، باشدان نه دئییم

ساواشیرلار کوچه میزده، بیری کاردیر بیری کور
بو ائشیتیمیر او دا گۆرمور بو ساواشدان نه دئییم

داش چۆره کدن چیخیر، ائومیزده چۆره ک ده داشدان
بئله قسمتدن او داشدان بو، لاواشدان نه دئییم

بیری آزدیر، بیری چوخدور، بیری آجدیر، بیری توخ
یاغلی بوشقابلارا بیلیم یاوان آشدان نه دئییم

سکوت افطارینی (فریاد) ایله ایستیردیم آچام،
آغزیمی آچجاق، آذان وئردی اوباشدان نه دئییم.

اردییل ۸۳/۳/۶

قوجا سوبای سۆز

نه آی گونشیدی، نه بیر اولدوز آیدی شعریمده
نه یاز یازیقیدی، نه قیش اودلو یایدی شعریمده

کامان کاماندی، اوخ اوخدو، بلا بلادی، سو سو
نه اهیری دوز، نه ده آخ- وای اوخایدی شعریمده

تاجیم الیمدیسسه تختیم تیکانلی بختیم دیر
هایان بیلیر کی، هایانلار سارایدی شعریمده

آپاردی سئل سارانلی ماهدیر کی اولمه یه سس
سازین دؤشوندن آخان ماهنی، چایدی شعریمده

منیم سینمده کی اودلار اکیلیمه میش گۆیه ریر
غزل- غزل قوجا سۆزلر سوبایدی شعریمده

شیرینلیک اومما سۆزومدن کی، داددیغیم آجیدیر
ایچیم- ایچیم آجیلیق دادلی پایدی شعریمده

بیر آندا مین دلی دویغو ایچیمده سانجی چکیر
چکن بیلر کی بیر آن، دوققوز آیدی شعریمده

بولود دالیندا سسیم بیر گونش کیمی توتولوب
بو کۆلگه لر کی گۆرورسن هارایدی شعریمده

ایشیتدی (فریاد)یمی بیر گئجه قونوم- قونشو
بوتون شه هر بیلیر ایندی نه هایدی شعریمده.

اردیبل ۸۳/۸/۱۰

دان اولدوزوم

دويماييب سندن گوزوم، قال باتما آي دان اولدوزوم
دادلي باخ مندن، مني آل باتما آي دان اولدوزوم

گورمورم سن سيز مني آچ گوزلرين جان وئر منه
ياتما تنزدير كيپرگين چال باتما آي دان اولدوزوم

سن ياييلجاق گويلره صوبح ائيلهدي اغزين شيرين
باخ، بولودلاردان ياغير بال، باتما آي دان اولدوزوم

گنج گليب تنز گئمه آي اولدوزلارين سون ائلچيسي
دسته گول باغلا گتير حال، باتما آي دان اولدوزوم

بیر قارانلیق داخمادیر کۆنلوم ایتیرمیش قیبله سین
کعبه م اول گۆرسن، ایشیق سال باتما آی دان اولدوزوم

گۆیده گۆیچک گۆرسه نیرسن یاندریرسان عاشقی
آل یاناقدا سانکی بیر خال باتما آی دان اولدوزوم

قال بیرآز دا هم یئتیشسین هم شیرینلش سین دیلیم
یوخساسؤز- صؤحت قالار کال باتما آی دان اولدوزوم

ایلدیریم تک گۆیلره امضا وور آد یاز، سونرا گئت
قانلی بیر (فریاد) یله لال باتما آی دان اولدوزوم .

اردبیل ۸۴/۱/۲۶

کیم کیمه‌دی

ای قلم تولکونو گل شیر ائله‌یک کیم کیمه‌دی
بیر چوروک تاختانی شمشیر ائله‌یک کیم کیمه‌دی

لال طولوملر علم ائتدی اولومو علم آدینا
بیز ده گل لال زبری زیر ائله‌یک کیم کیمه‌دی

آخیرت نسیه‌دی دنیاده هامی نقدی گزیر
بو حسابلان ایکی‌نی بیر ائله‌یک کیم کیمه‌دی

ایندیکی قدری بیلن یوخدو قیزیل گول یا تیکان
دم به دم یئل کیمی تغیر ائله‌یک کیم کیمه‌دی

قوشو آزاد ائله‌ییب گؤیلری آنجاق قوروداق
قنادی اوچماغا زنجیر ائله‌یک کیم کیمه‌دی

یاغلی اولسا یوخوموز اؤز کاسامیزدان دانیشاق
یاوانین قونشویا تعبیر ائله‌یک کیم کیمه‌دی

مین اوره‌کدن قان آلیب بیر دامار احسان ائله‌یک
ظولمیله خلقی نمک‌گیر ائله‌یک کیم کیمه‌دی

تئز گلک املامیز اولسا کلاسا بیست آپاراق
مین کتاب انشادا تأخیر ائله‌یک کیم کیمه‌دی

آز یاشا ناز یاشا تفسیرینی کیمدیر اوخویا
صرفه‌لی سوفره‌نی تفسیر ائله‌یک کیم کیمه‌دی.

گونشین یئرده قیچین باغلاسالار گؤر نه چکر؟
روح (فریاد)ی زمین‌گیر ائله‌یک کیم کیمه‌دی.

اردییل ۸۶/۱/۱۰

كسمه شىكسته ناماز

گونشله قول- بويون اوللام دومان آمان وئرسه
اؤزومده دوغرولا بيللم گومان آمان وئرسه

يازىن قوناقلق آيىن، قوشلارىن هايىن- هارايىن
آتوشكه دن خبر آلام بوران آمان وئرسه

سينمده قويلانان آرزىم آچار قىزىل چتىرىن
دفينه اوستونه چؤكموش ايلان آمان وئرسه

باخىش دانىشسا اينام دوغرولار، دىلك دىل آچار
دىلى آغىزدا قوروتموش يالان آمان وئرسه

دیلیم کی وار دئیہ بیللم عاشیق چال اؤز هاوامی
منی اؤز ایستہیینہ اوینادان آمان وئرسه

سینمده کسمه نامازین قیلار شیکسته سازیم
قضا قدهر اوزاق اولسا زامان آمان وئرسه

دادار سوکوتو آمانلیقدا چیرپینان (فریاد)
بوغونتودان اوجالان داد- آمان، آمان وئرسه.

اردبیل ۸۶/۱/۱۵

چرشنه پایي

اوره ييم وئرمه سه بير كلمه اگر هاي سؤزومه
يئري واردير دئسه لر واي اؤزومه، واي سؤزومه

يام ياشيل ياز نفسين جاندا قوناق ساخلاماسا
قورو چرشنه كي مي كي م وئره جك پاي سؤزومه

زخمه - زخمه گونشين تئلرينه وئرمه سه سس
اولدوز - اولدوز قولاق آسماز گئجه لر آي سؤزومه

بير دنيز تك قوجا غين آچماسا يول يورغونونا
آغلايا - آغلايا آتماز اؤزونو چاي سؤزومه

بىر بئىك تىك اينامىن كۆرپەسىنى يىرغالاسا،
چالاجاقدىر زامانىن تورپاغى لاي- لاي سۆزۈمە

مىن گۈنش اىستى ليگىن ياماسا جان كۆشەننە
يالوارا- يالوارا ياخماز باخشىن ياي سۆزۈمە

لال باخشىلار مەنە قاققىلدادى ياندىم دىدىم؛ اي ي
دۇندو (فرياد)ە گۆزۈم آغلادى هاي- هاي سۆۈمە.

اردبىل ۸۶/۰۱/۲

من دە سن دە

چوخ دىزىلر بوغموشام بىر دامجى طوفاندىن سارى
مىن غزل اۆلدورموشم بىر كلمە قان قاندىن سارى

تا سنى سن تەك يازام، سن تەك يايام اۆز شەرىمە
دوقوما تور قورموشام سۆز ادلى جئىراندىن سارى

بىر گىجە بىر آن سنى گۆردوم ايچىمدە آي كىمى
بىر عۆموردور جان وئىرروحوام او، بىر آندىن سارى

دوزدور ائللەر سۆيلەدى ھەر عاشىقنى دۆورانى وار
تەرمىزدىر عشق، چىركىنلىتمە دۆوراندىن سارى

من دە دۇندوم سەن دە دۇندون مەن قاندا سەن خەنجەرە
مەن يازىق سەندەن سارى، سەن بىختەور قاندا سارى

شەمە سۆيەلە جان نەدىر پروانەيە باخا، ارى
باشا ەيىرسەن، ياشا تۆگۈرسەن بىر قورو جاندا سارى

مەن دىلەك (فەيادى) مەن دىلە سەتەرلەر بىر آدا
بىر اورەك چىرىنمەسا ەر يەردە ووجداندا سارى.

اردىبىل ۸۶/۱۰/۱۰

يام ياشيل

وارليق يئنه طبيعته جان وئردى يام ياشيل
من ده گرەك بو شعري يازاندا يازام ياشيل

گل، گئت دولوب اورەكلره گۇم گۇيدو سئوگيلر
گۇزلر تامام ياشيلدى باخيشلار تامام ياشيل

هر يئر سلام- كلامليدى يئر- گۇي فرحله نير
دیلده سلام ياشيلدى، دوداقددا كلام ياشيل

الـر چالير، اورەك اوخويور، گۇزلر اويناير
من ده گرەك بو معرەكه دن پاى آلام ياشيل

من کی، قلوبنا اتهینده یاپیشیشام
حول دئینده حال، گرهک حالانام یاشیل

جیسمیدن اۇنجه روحوما لازیمدی توز تۆکم
روحوم یاشیل گئینمهسه من اولمارام یاشیل

منله یاشیللیغین دادینی دویبدو روزگار
یوردوم- یووام یاشیلدی منیم، ائل- اوبام یاشیل

منلیک دئیل، یاشیل یاشاماقدان، ال اوزموره،
چونکی آتام یاشیل یاشاییدیر، آنام یاشیل

اود وار جهنمین اودودور، اود وار عشق اودو
یانسام دا ائل یولوندا گرهکیدیر یانام یاشیل

قیپ قیرمیزی گول اولدو منیم ساپ ساری اوزوم
(فریاده) باخ کی، رنگی آغ آپاقدی یام یاشیل.

اردییل بهار ۸۷

نچەيە

آي آغا: بىر باخىم اولدوزلو صداقت نچەيە؟
بىر قلم عاطفە، بىر شاخە محبت نچەيە؟

نە توکاندا نە بازاردا نە شە ھەردە تاپىلىر
سەن دە واردىرسا دىنن ياخشى عدالت نچەيە؟

بوتون آل- وئەردە يالاندا دىدىلەر اصلدى بو،
دوزو وار سەندە اگر سۆيىلە حەقىقت نچەيە؟

يەر- گۆيو سالىدىم آياقدان سەنە چاتدى گومانىم
بىر گونش چوخدوسا بىر ذرە صداقت نچەيە؟

موج تک چوخ يوشاقدير اوره ييم دهيمه، سينار
بوندان اؤترو گزيرهم ساحيلي حؤرمت نئچه يه؟

باھاليقدير دئمە، بير بعلی وئر آل مين لعلی
اوندا بيلمزسن عدالت نئچه يه ات نئچه يه؟

نە آلان وار نە ساتان، بير کس اونون توتمور آدين
گؤزده بيلمير کي، نجابت نئچه غيرت نئچه يه؟

منده کي منليگيمي عزت نفسيم ياشادير
اؤلرهم چاتماسا (فرياد) يما عزت نئچه يه؟

اردبيل ۸۷/۲/۱۴

بیر کوزە اوخای

دوزلو بیر حنجره یم دادلی هارایدان دئه منه
باغلی بیر پنجره یم چۆلدەکی هایدان دئه منه

بیر ایچیم نای- نایا حسرتدی سوسوز دیل- دوداغیم
بیر آز، آز آغلا، بیر آز، آز دەدە وایدان دئه منه

نفسی خونچایا دولدور قوروموش بیر آغاجام
اودلو چرشنه قاتیشدیر یئله پایدان دئه منه

سئوگیدن کورسو قوراق من دانیشیم سن قولاق آس
بیر باخیش ایستی چۆره کدن، آجی چایدان دئه منه

بالاما قوربان اينكلر، بالاما قوربان اوزوم
سال يادا خان ننهني لاي بالا لايدان دئه منه

قىزلارين چشمه باشيندا ساچيني هورمكدن
يا جاوانلار گولهشن چيممهلي چايدان دئه منه

قايداندا ائوه چولدن كيشيلر خسته، سوسوز
بىر قادىن عاطفه بىر كوزه اوخايدان دئه منه

ساغ- سولا باخماكى، دوز يول سنى ياره يئتيرر
نه اوتايدان دانىش آي گوز، نه بوتاييدان دئه منه

عاشيقىن سون سوزو آي داد آمان آي داده چاتار
سن ده (فرياد)ه باخ اويره آمان آيدان دئه منه.

اردبيل ۸۷/۲/۱۲

دولان سنسيزليگى

سوزدو كلمه- كلمه تامسيندويم يامان سنسيزليگى
شعريمه زهريدى دولدوردو زامان سنسيزليگى

هر قدمده ديزلريم اسمزدى يارپاقلار كيمي
بىر آغير يوك تك چكه بيلسهيدى جان سنسيزليگى

لاختا- لاختا يول كسيبدىر قليمى ديلدن ساليب
درده دوشمزدويم قانا بيلسهيدى قان سنسيزليگى

هئچ بيليرسن گون نيه گورمور گونو آغلار كئچير؟
پرده چكميش داغلارين اوسته دومان سنسيزليگى

سۇز چىخاردار كۆلگەلەر سىنسىز دولانسام كۈچەنى
گر اينانمىرسان منىملن بىر دولان سىنسىزلىگى

مىن وراق سىنسىزلىگە ياندىم جاوايىن آلمادىم
دوز دئىرسىن سە اۋزون وئر امتحان سىنسىزلىگى

انتظارىن شۇوقو چوخدور منده، قالدىم اۋلمەدىم
گۈى دە عزتدن دوشىر چكسە بىر آن سىنسىزلىگى

بىر آجى چايدىر بو دونيا نە دادى وار نە دوزو
مىن آراز آغلار ايچىن بىر ايستكان سىنسىزلىگى

بىر يوخودور سانكى، (فرياد)ىم چىخىر چىخىمىر سىم
كاش آيىلايدىم اولايىدى كاش، يالان سىنسىزلىگى.

اردبيل ۸۷/۲/۲۱

نە دوشمندی بو دوست

دو یغومون ھر نە قەدەر وار منە دەیسین قاداسی
آخی دوستومدو منیم دوشمنە دەیسین قاداسی

اۋز ایچیندە یانیر آنجاق، چۆلە شنلیک جالاییر
اوره ییمدیر کی، گونشدر چنە دەیسین قاداسی

قوشو آلداتدی تورا سالدی نە دوشمندی بو دوست
اوخلارین، داشلارین آلاە، دنە دەیسین قاداسی

دستە - دستە گولو قوربان درەرم گۆز یاشینا
سس سیز آغلار بولاغین سوسنە دەیسین قاداسی

آی یالانچی دئمه نفسین قولونو باغلامیشام
ترسه دیوین ده یالانسا، سنه ده یسین قاداسی

داش دهینده سنه شیطان دئسه آخ- وای نه عجب
گرهک اهریمنین اهریمنه ده یسین قاداسی.

اردییل ۸۷/۲/۲۹

منى سۇندورمە

منى سۇندورمە چىراقلار قوناغىمىدىر بو گىجە
كۈلە باسىدىرما اوجاقلار قوناغىمىدىر بو گىجە

داش اورەكلردن اوزاق ساخلا منىم باش - گۈزۈمو
گۈزگۈدن گۈزگۈ قوناقلار قوناغىمىدىر بو گىجە

تۈك اوزە حالىمى گىزلىتمە پرىشانلىغىمى
اوستومو اۋرتمە داراقلار قوناغىمىدىر بو گىجە

يىر دىلم باغلاما لاللىقىدا منى قۈي دولانىم
يىرىمى راحلا دوداقلار قوناغىمىدىر بو گىجە

قاش - قاباق سالاما گۆيدن يۈره نوودان بوزو تەك
مەن گۈنش گۈزەلۈ ياناقلار قوناغيمدەر بو گۈنچە

دورنا - دورنا گۈزۈمە قوندو اۋتن خايطەرلەر
بو ياخينلىقتا اوزاقلار قوناغيمدەر بو گۈنچە

دوم - دورو لەجە، سەين نەمە، سوسوز شەرىمە قات
لەل نەس چەمە بولاقلار قوناغيمدەر بو گۈنچە

گۈنچە باغرىندا شافاق تەك گۈز آچان (فرىاد) باخ
يۈخويا يۈر سال اوياقلار قوناغيمدەر بو گۈنچە

اردبەل ۸۷/۳/۶

ناغیل

سۆزو واردیر کی، قوناقلیق وئره جک آی کوچه میزده
اولدوز- اولدوز قاپیلاردا سالاجاق های کوچه میزده

سۆزو واردیر کی، سفردن گله جک بوخچاسی الده
خونچاسی باشدا گونش پایلا یاجاق پای کوچه میزده

سۆزو واردیر کی سرین یئل اسه جک نغمه دیلینده
نفسی دولدوراجاق تئلره نای- نای کوچه میزده

سۆزو واردیر گله جک شنبه ده چر شنبه دونوندا
اولاجاق پاییزیمیز، یاز، قیشیمیز یای کوچه میزده

سۆزوواردیرکی، قیزیل گول گله جک ائلچی، قیزیل یوخ
آرزیلار ال چالاجاق، اوینایاجاق آی کوچه میزده

ساعاتین زنگی اویاندى منه تئز- تئز دئدى یاتما
بو شیرین لیکلری بالدان دا شیرین یای کوچه میزده

بیروخویموش دئدیم ای وای بئله سۆزلر کی وار ایتمیش
گۆز یاشیم دۇندو قانا آخدی آجی چای کوچه میزده

دوشدو گۆیدن نئچه آلما بیرى (فریاد) یما چاتدی
بیری کال چیخدی، بیرى آغلادی های های کوچه میزده.

اردبیل ۸/۳/۸۷

قان پردهسى

يوخ- يوخ كىمىن قاشىن دىلىم، يار دىلىندەيم
بىلمم كى يوخ دىلىندە يا دا وار دىلىندەيم

تاردا باتىر سسىم، نىسىم تىلدە گوللىنىر
بىر آن تىلىن دىلىندە بىر آن تار دىلىندەيم

بىر كىلمەيم كى اۆز قابىغىمدان چىخان كىمى،
قان پردهسىندە دىللەنىرم، نار دىلىندەيم

بىر عۆمردور زامان بوغازىمدان توتوب سىخىر
منىك دىيىل دىلىم اوزانىر دار دىلىندەيم

باخما كى دونموشام بولاق اوللام گونش سۇزون،
چۇلدىن چۇلە آخىب يايارام قار دىلىندەيم

اۈز قلىبىن قانىندا بوغولموش شافاق كىمى
سون (فرياد) يم گئدىر گۈيە ديوار دىلىندەيم.

اردبيل ۸۷/۴/۶

بس کیم بیلە جک

گۆزومدن سوزدو اولدوزلار نه آی بیلدی نه سن بیلدین
دیلیمدن آخدی حسرتلر نه چای بیلدی نه سن بیلدین

نفس گلدی یئره آنجاق نه گول بیتدی نه ده سئوگی
آلشیدی یاندی چرشنه نه پای بیلدی نه سن بیلدین

کیمین دردین بیلیر کیملر؟! بئله سس سیز خزان اولدوم
نه قیش بیلدی، نه یاز بیلدی، نه یای بیلدی، نه سن بیلدین

حیات آدلی قییر ایچره دیریکن باسدیریلدیم من
جانیم ایچره جانیم چیخدی، نه وای بیلدی نه سن بیلدین

دندیم دای بسدیر آی اولدوز، دوز و مدایو خدو داد سنسین
نه دوز قالدی، نه داد قالدی، نه دای بیلدی نه سن بیلدین

بئله ائهمال چیغیردیم من، کاغاذ یاندی، قلم سیندی
غزلر گلدی (فریاد) ه نه های بیلدی، نه سن بیلدین.

اردییل ۸۷/۹/۲۰

بايرام پايى

اودلانماق ايميش عشقده اولدوزلارين پايى
بىر خونچا نىسكىل ايميش آدامسىزلارين پايى

يئل تىك قانادلانيب بولودون اوز- گۇزون سىلك
آى جان وئرر وئريلمەسە اولدوزلارين پايى

چوخ يئردە وار ايلان گۇيەريىر گول گۇيرمەدن
داغ- داش سولار گۇيرمەسە يارپىزلارين پايى

بايرام گلندە بال كىمى گۇزلر شيرين لشر
ياددان چىخار اولار آجى سۇز دوزلارين پايى

چرشنه گلسه سوفره‌لری سین، بزهر بوتون
اود یانسا شام کیمین اری یر بوزلارین پای

سئودا سسی، سازین سؤزو، سئومک، سئویم، سئوینج
بونلاردان اولمادی بیر یالقیزلارین پای

چوخلار تکیب گؤزون قاپییا پای گلّه کؤنول
سن ده بو شعر یاز، آتاسیز قیزلارین پای.

اردییل ۸۷/۱۲/۲۰

چوخ آز

دۇوقومو ايسلاتسا قيتليقدا نازين بير دامجيسى
شاعيرم بسدير منه بير آز يازين بير دامجيسى

بير قاناد وورماقلا آلام گۇيلرى آغوشيمه
اوستومه قونسا قفسده پروازين بير دامجيسى

دريادا قوشلار، باليقلار گۇيده حال ائيلر بوتون
دۇش - دۇشه قويسا منيملن بير سازين بير دامجيسى

گۇز گولر ساز سس وئرەر، سس گۇللر، ديل گوللر
لالليغا بير آن يايلسا آوازين بير دامجيسى

سۆز دە بیر سیگار کیمین یاندىقجا قىسسالىن گرهک
اودلو طوفانلار گۆيردهر ايجازين بير دامجيسى

چوخ- چوخ آز عشقيم، چوخ آزدا گيزلين آھيم وار منيم
قانلى دريالار دوغار بو، چوخ آزين بير دامجيسى

اولماز- اولماز سؤيله مه پورچوم تاپار بيزدن رقيب
اۆلدوره (فرياد)ى اولماز اولمازين بير دامجيسى.

اردبيل ۸۸/۱/۱۹

غنىم

منه بىر اۋزگەسى يوخ، نازلى يار غنىم چىخدى
اورەكە بىلەدىگىم دويغولار غنىم چىخدى

جانىم قوتاردى قەسەدە، گۇيردى بال و پىرىم
ياشىل قانادلارېما سون باھار غنىم چىخدى

يوخ اللە آلدىم الە، ھەرنە باردى ھەر گۇزدە
شىرىن بو آل وئرىمە ھەرنە وار غنىم چىخدى

تارى دا باغرىما باسدىم سىنمەدە دۇندو اوخا
سىزىلدايان سسىمە قانلى تار غنىم چىخدى

دولاشدى بوينو ما دار تك نفس يولون كسدى
منه نه يار، نه ده ديوار، دامار غنيم چىخدى

دولينده بسله دى عشقى، الينده اولدوردو
سنة بئله دئيم؛ عشقه شعار غنيم چىخدى

دئيم دادى ياييلار روزگار (فرياد)ين
ياييلمادى جانيم روزگار غنيم چىخدى.

اردبيل ۸۷/۱/۲۱

دوروم گئدیم

بوتایدا سوفره آچیلدیقجا داد منی چاغیریر
اوتایدا شعر یاییلدیقجا آد منی چاغیریر

بوتایدا بیر هله‌لیک قدرتین قیزیل بوغازی
اوتایدا تورپاق اولان کیقباد منی چاغیریر

آغیر اراده‌می پامبیق کیمی اودا چکمه
بیر عشق واردی کی، اورد ا پولاد منی چاغیریر

منی آپارما باغا نیلیرهم آدی یا دادی
قفسده بیر قانا باتمیش قاناد منی چاغیریر

آجی دوزون قاداسین آلسا آینالی كۆنلوم
شیرین یالانلارا قارشى، عناد منى چاغیریر

باهار جوشور غزلیمدن یاشیللیغین نفسى،
چكىر خزللرین آلتیندا داد منى چاغیریر

تانیش گلیر منه (فریاد) ى کیم آدامسیزدیر؟
دوروم گئدیم کى، تانیش چیخدی، یاد منى چاغیریر.

اردییل ۸۸/۱/۲۱

تکجه سیگار

گول آچاندا باخیشیم خار تانیش چىخدى منه
دىل آچاندا بوغازیم دار تانیش چىخدى منه

سندە ایتمکدن اوچون چىخدیم اؤزومدن قیراغدا
هر قدمده نئچه دیوار تانیش چىخدى منه

سن گلنده آدمی پوزدولار سنسيزلیکدن
سؤز گلنده یئنه آمار تانیش چىخدى منه

آجی عؤمروم کیمی یاندىقجا گوده لدی نفسی
تکجه بو شهریده سیگار تانیش چىخدى منه

درديمى گيزله درهم ناي نايين آلتيندا دئديم
بارا قويدوم اوزومو تار تانيش چيخدى منه

چوخ خبرده دئديلر ايسته مهلى شاعيرايدي
من اولندن سورا اخبار تانيش چيخدى منه

اثلين ايچره داها طومارى پوزولدو دئديلر
دولدو (فرياد) يله طومار تانيش چيخدى منه

اردبيل ۸۸/۱/۲۳

پارچا - پارچا آرزی

نفس چکنده هارایلار بوغاز- بوغاز بیچیلیر
اوراق- اوراق سازاغین اللرینده یاز بیچیلیر

قفس- قفس یومولاندا قاناد، اومود کسیلیر
قاناد- قاناد کسیلنده اومود، بوغاز بیچیلیر

بیتنده نازلی باخیشلار اوخون گوزو گوتومور
گوزون یومور آچیر آغزین، باخیشدا ناز بیچیلیر

بئله اکینچی لیگی بیلیمیرم کیم اوییره تدی؟
کی، اودلو سوز اکیلیر سینم اوسته ساز بیچیلیر

سینق اوره كلره بیر کیمسه اوز دولانديرمير
ياواش - ياواش ائله بيل قيله دن ناماز بيچيلير

گورنده ائلچيني قيزلاردا آرزى پارچالانير
بوغازلاريندا به، بعلی جاحاز - جاحاز بيچيلير

بوغور ياناقلاريمي پارچا - پارچا گوزده کی، سئل
خانا دئيين سارانين اهيينه، آراز بيچيلير

ندندی بو يارالي (فرياد) ين اوجا بويونا
قاناد قواره سي چوخداندي کی، چوخ آز بيچيلير

اردبيل ۸۸/۲/۹

نە دئىيم

منىملە اۋزگەلىگە باشلاياندا سن نە دئىيم؟
سن اولماسان منە مندن بهانە من نە دئىيم؟

ايچىم دولور بوشالير، گۈزلىرىم گولور دانيشير
دانيشديراندا منى داغلار اوستە چن، نە دئىيم؟

بىرى دئمىر اورەيىم داغ كىمى آغا بورونوب
هامى دئىر باشينا دوشمەيىدى دن نە دئىيم؟

بو دونيادا غرىم هئچ باخيش منى تانىمىر
كفن - كفن منە گوندەر بىر آغ وطن نە دئىيم؟

جانا گلندہ جانیم باشلاياندا سون سفرى
منيمله اولماسا يول يولداشى كفن نه دئيم ؟

اؤزوم كى ايسته ميرم (فرياد) يم چؤله تۆكوله
داغيلسا شعريمه درديم، دئسه دئنن، نه دئيم ؟

اردبيل ۸۸/۵/۱۳

ھەر ايكىسى

منىم جانىم منىم عشقىم خوماردى ھەر ايكىسى
سنىن گۇزون، سنىن آرزىن باھاردى ھەر ايكىسى

يامان گۇزون دىلى يانسىن منە اۇلوم، سەنە سۇز
من اولماسايدىم اوزەرلىك چىخاردى ھەر ايكىسى

بئىلە قولاقلارىمى دولدوروبىدو سىنىزلىك
كى سۇز ائشیتىمەسەلر كوسمە كاردى ھەر ايكىسى

يوماندا گۇزلىرىنى عىيىم اۇرتولور بىر بىر
آبىر تۇكن كوچەلر چون دوواردى ھەر ايكىسى

يا اۋزگەلىكلە قوشول قاچ، يا دا قوشول اۋزونه
نه بللى دىر اوداجاق، قوماردى ھر ايكىسى

آماندى اۋزگەلرە يالوارىب آغىز آچما
گۈز ايستەسن يا دا جان، مندە واردى ھر ايكىسى

منىم بىر اودلو سىنم وار، بىر آزدا (فرياد)ىم
منى سئوئلر اوچون يادگاردى ھر ايكىسى.

اردىيل ۸۸/۵/۲۵

بختيم

بيرو اوخ كيمي سينمده بئجردير يارا بختيم
يازدا قيشا باخ، آغ گونه چاتميش قارا بختيم

جئيران كيمي بير آن گؤزومه ده يدي سوووشدو
داغ- داش اؤزو ده بيلمه دي گئتدي هارا بختيم

يالوارديم اونا گلمه دي واختيندا، يوباندي
دؤنده ردي ياشيل روحومو قانلي نارا بختيم

كاردان دوشوب ايندي اوره ييم بير پارا هئچدي
پشمانلاسا دا، گلسمه ده گلمز كارا بختيم

كاش زلزله تك هر اوجا ديوارى يىخايدى
كۆلگه كىمى يىخمايدى اۋزون ديوارا بختىم

نە سىنەسى واردىر مە باش يولداشى اولسون
نە اللرى واردىر وئره سس بىر تارا بختىم

ياى- يازدا دا اەينىن سويونوب شاختا گئىندى
بار وئرمەدى (فرياد) ىمى قويدو بارا بختىم.

اردبيل ۸۸/۸/۱۷

آرخاسيز

باخما اوزوم گزيب دولانيير بخته ور كيمين
غملر ايچيمده نعره چكير لوو خبر كيمين

بير دامجى دادميشام ديل اوجو سئوگى تكليفين
بير عؤمردور كى، آغزيم اولوبدور زهر كيمين

مردابه دوشموشم كسيليبدير نفس يولوم
هرزه علف ايچير بوغازيم، تشنه لر كيمين

آخديقجا گؤزلريم توتولور اود توتور جانيم
تقديره باخ كى اهيلشيب آلنيمدا تر كيمين

یوللار داریخدی انتظار آنجاق داریخمادی
حسرت بیتیب سینمده آدامسیز شه هر کیمین

کاش وارلیغیم اوزه رلیک اولوب های سالیب یانا
سنسیزلیگین چیخاردا گؤزون بدنظر کیمین

ایلر گلیب، گئدن قاراتاپداق بو کوچه ده
آلچاق تیکیلسه من کیمی دیواری هر کیمین

(فریاد) یم آرخاسیزدی سیز آلاه اونو تمایین
سون یولداشیم دوروب قاپیدا سون سفر کیمین.

اردبیل ۸۸/۸/۲۴

جهنم تۆكۈلۈر

دنسىزلىك دولوبىدور دورو آشىما
دوگون چاتىلىيدىر چاتما قاشىما
بىر دامجى دا سئوگى، ياغمىر باشىما
ماھنى ياغا- ياغا، تار ياغا- ياغا.

سېنىم كاغاذ اولىدو، اوخ قىلم اولىدو
ھەر ئىرە اوز قويدوم غم علم اولىدو
طبيعتىدن پايم داش كىلم اولىدو
ھىوا ياغا- ياغا، نار ياغا- ياغا.

بولبول تىك اوخودوم باغدا بئش - اون گون
سونرا قانادىمما ووردولار دوگونون
ايندى بىر قفس ده يوخدور منىم چون
باھار ياغا - ياغا، بار ياغا - ياغا.

غربت سسى گلىر ياردان، دىاردان
ياز دره بىلمىرەم باغدان، باھاردان
يارسىز دولانىرام دامدان، دىواردان
سئوگى ياغا ياغا، يار ياغا ياغا.

نفس بوغازىمى يامان سىخىيدىر
اۋلوم دورا دورا منى يىخىيدىر
ياشايش منىم چون يوخا چىخىيدىر
وارلىق ياغا ياغا، وار ياغا ياغا.

(فرياد) يىم اود كىمى چىخىر ايچىمدن
يئر، گۈى قىش ايچىندە، اود ايچىندە من
جەھنم تۈكۈلۈر اوستومە گۈيدىن
ياغىش ياغا ياغا، قار ياغا ياغا.

اردىبىل ۸۸/۹/۴

من اۋلىندىن سونرا

يىلىرەم رىمە گىلر يار، مىن اۋلىندىن سونرا
پىردە- پىردە آچىلار تار مىن اۋلىندىن سونرا

ھىلە ھىلى رىنگى آتير، ھىلى سارالير، ھىلى بوزارير
يىلىرەم باغ گىتيرەر بار مىن اۋلىندىن سونرا

بىر باخىم اولدوز اوچون بىر عۇمور آيسىز ياشادىم
گون چىخار چايدا چالىقلار مىن اۋلىندىن سونرا

توستو- توستو دوداغىم قارنىنا دولدوردو اودو
قورخاسان سۇنمەيە سىگار مىن اۋلىندىن سونرا

نارا ال وورما آماندیر هله داشدیر اورهیی
داشا ال وورسان اولار نار من اؤلندن سونرا

قیشدا دا یاغدی آلوو ئئر، گۆیومو یاندیردی
چکیلر اوز- گۆزومه قار من اؤلندن سونرا

منه باخما هارا قوندوم یا اوخ اولدو یا قفس
تاپیلار قوشلار ديوار من اؤلندن سونرا

دوزدو دریاده سوسوزلوقدان اؤلن بیر بالیغام
سئل کیمی آغلایانیم وار من اؤلندن سونرا

نه قدهر وار نفسیم (فریاد)یمی تنگه سالار
بوغازیمدا بوغولار دار من اؤلندن سونرا.

اردییل ۸۸/۱۰/۲۷

يارا شاعيري

کيم بيلير هاردادی روحوم هارائين شاعيري یم؟
من اوره کلرده کی يانقين يارائين شاعيري یم

آياغيم يئرده دير آنجاق باخيشيم اولدوز اکير
هارائين باغليسييام گؤر هارائين شاعيري یم؟

مين موغان خان چوبائين دردی داغيلميش سينه مه
مين آراز واردی گؤزومده سارائين، شاعيري یم

گئجه نين يازديم آدين رنگی بوغولدو کاغادين
اوزوم آغدير کی بو بختی قارائين شاعيري یم

دوزلو دا اولسا سسيم، بير پارا باخمير سؤزومه
دادلى دا اولسا سؤزوم بير پارانين شاعيري يم

سئلدى (فرياد) يم اونون باغلاماق اولماز قولونو
كيم بيلير هاردادى روحوم هارانين شاعيري يم؟.

اردبيل ۸۸/۱۱/۱۲

سنسيز

كۆك سالسا دا ياز منده، چمن سيز قالا سنسيز
داغلار باش آچيب اوز- گۆزو چن سيز قالا سنسيز

گل كۆرپه لرى نازلا، چتىن دىر آتاسيز لىق
شعر آدلى بالام ظولمدو منسيز قالا سنسيز

سنسيز ليگى اودماق آجى سۆزدور يئمك اولمور
قوشلار دا گرەك اۆلسە دە دنسيز قالا سنسيز

تک بير باشا من نئيله يە بيللم توت اليمدن
نذر ائيله ميشم باش دا بدن سيز قالا سنسيز

عشقە اۆلۈم اولسون اۆزونو وارليغا بوكسه
سنسيزليگه جان وئرسه كفن سيز قالا سنسيز

نه بير يئري واردير، نه ده يوردو ييهه سيزدير
دونيا، نه روادير كي وطن سيز قالا سنسيز

اولدوز يئرینه داش سپه لر گۈيلره بير بير
(فرياد)يم اكر بير گئجه سنسيز قالا سنسيز.

اردبيل ۸۸/۱۲/۲۶

كس ھا كس

دىل آچمايان قانادلارا گۆيدىن قفس ياغىر
گۆيدىن ياغان قفسلارە ئىردىن قفس ياغىر

زىجىردىن تۆكۈلسە دە گۆز- گۆز قفس نە سۆز؟
يازداڭدا پاخلا- پاخلا گۆيرمىش قفس ياغىر

دولموش قولاقلارىم بو يالىن شاققا شاققىدان
قانلى قىلىنجدىر ياشايش، كس ھا كس ياغىر

مىن يول دا بىتسە گۈل، بىرى چاتماز بويا، باشا
ھەر بىر سارا آخىر موغانا، مىن ارس ياغىر

دئير نيه سينان اوره يين يو خدو بير سسى
والونكى، گوزگودن داشين آلتيندا سس ياغير

شاعير اودور كى هم ياغا هم ده گورولديه
(فرياد)ه ياخشى هر ايكيسيندن هوس ياغير.

اردبيل ۸۹/۴/۲۶

بیر آغیز هاوا

داغ- داشا چیرپیر اؤزون باخما، اوره کدن قولاق آس
نییه قالمیش آرالیقدا گؤره سن چن؟ قولاق آس

دنیزین ده باخیشیندا نه سو واردیر نه ده دوز
دؤشه نیب دیر ائله بیل کی، یئره کؤوشن قولاق آس

یووانین آرزیسى یولدا، بالانین آغزی گۆیه
دیمدیگیندن اوتانان قوشلارا دن- دن قولاق آس

قفسین گؤزلری داردیر، قانادین نفسی اوجا
یئرده کی گۆیلره ده گؤز اوجو هردن قولاق آس

بىلمىرەم گۈلمەلىم يوخسا باشا تاپتامالى؟
نە يامان ياخشى اولار دوست اولاد دوشمن قولاق آس

اۋزومو درد ائلەسم احساسىما، درده دوشوم
بو ھارايىلار كى وئرىلمىش منە، سىنىن قولاق آس

بىر نەفس (فرىاد)ىما، بىر آغىز آيدىن ھاوا گىت
سەن اوخو مەن ائشىدىم، مەن آلىشىم سەن قولاق آس.

اردىبىل ۸۹/۵/۱۸

شيرين درد

باخما سنسيزليگى دونيا دولوسو قان ايچيره
قان ايچينده قيزيل احساس دولوسو جان ايچيره

آجى دا اولسا بو سئودا، نه شيريندير آغيزيم
سنة خاطير سو كيمين درديمى درمان ايچيره

آند ايچنده سنة آند اولسون او، آيدين آدينا
آيه- آيه ائله بيل روحوما قرآن ايچيره

سنة قوربان، نه سرين سؤزدو كى دوشموش ديلمه
سن منيم ايچ قانيمى، من سنة قوربان ايچيره

كسیرهه اۆز بوغازیمدان سنه جان بسله ییرهه
بو اوغورلوقدو مگر خلق آرا بۇهتان ایچیرهه؟

ساحیلین باغرینا باغلانمیش آغیر بختیمه باخ
اوجا بیر داش کیمی بیر عۆمرودو طوفان ایچیرهه.

هر گئجه صوبحه کیمی (فریاد)ی بال شربتی تک
ایچیرهه، کیم ییلیر آنجاق نئجه حئیران ایچیرهه.

اردییل ۸۹/۵/۲۰

نه تئز يوباندين سن

نه تئز يوباندين سن آ نازلیم نه تئز يوباندين سن؟
شکسته کسمه بوغازلیم نه تئز يوباندين سن؟

آغاجلارين نَفسی؛ چایلارين پيچيلتی سسی
ياشیل قدملری يازلیم، نه تئز يوباندين سن؟

آذان دا دوم دورو نيیتله گؤز تيکيب ساعاتا
يوباندى گوزگو نامازلیم نه تئز يوباندين سن؟

گؤزومده مين سارا دويغو بوغولماغا تله سير
هارايلى، هايلى آرازلیم نه تئز يوباندين سن؟

غزل- غزل قورودوم اؤز ايچيمده دينله منى
صدفلى سینهسى سازليم نه تئز يوباندين سن؟

گلین مقاملى، موغام آدلى پردهنين بزهيى
بايات شيراز آوازليم نه تئز يوباندين سن؟

نه گئچ تلسدى منيم (فرياد) يم نه گئچ ديندى
نه تئز داريخدين آ نازليم نه تئز يوباندين سن؟.

اردبيل ۸۷/۵/۲۰

سوسوز سۆز

بىر سىنىق تار كىمى چوڭداندى كى ھايىسىزلامىشام
ايلدىرىم تىك بولود آلتىندا ھارايىسىزلامىشام

باشدا خونچا بىرى دۇيمور قاپىمى ايلدن ايله
قورو چرشنه كىمى گۇر نىجە پايسىزلامىشام

بىرى منده اوزونو گۇرمەدى يالقيز ياشادىم
رمكه ايچره بوغولان بىر چايم آيسىزلامىشام

اود ياغيدير سىنەمە سۆز اكىرەم گۇز گۇيە رىر
قورويوب دىل - دوداغىم چۇل كىمى چايسىزلامىشام

بۇلگودە قىش منە چاتدى ايچى بوش يالتاغا ياز
بو تاى احساسىمى دوندوردو، او تايسيزلاميشام

دىل قورو، گۆز دە سوسوز شعله چكىر سۆزدە سوسوز
ھاردا وار بير سولو بارداق كى اوخايسيزلاميشام؟

گئجەدى، چۆلدو، تكم يوخ سسىمه سس وئره نيم
داغ دا (فرياد) يمي قايتارمير آھايسيزلاميشام.

اردبيل ۸۱/۷/۲۲

خبر سیز

غریلیک اودوندا سس سیز یانیرام
یاندیقجا آیریلیق دردین قانیرام
دنسیز ده بیرمان تک بوش فیرلانیرام
طایفادان خبرسیز، ائلدن خبرسیز.

بیر زامان ایتیمیشدیم عشق هوسینده
ایندی بوغولورام غم اره سینده
قنادیم باغلیدیر باغ قفسینده
گولشندن خبرسیز، گولدن خبرسیز
طایفادان خبرسیز، ائلدن خبرسیز.

نەھەمەدەردىمىم وار نەھە دە سىرداشىمىم
نەھە دوداغىمىم گۈلۈر نەھە دە گۈز - قاشىمىم
سەس سەز بوغۇر مەنى آخەن گۈز ياشىمىم
ياغىشىدان خەرسەز، سەئەلەن خەرسەز
تايفەدان خەرسەز، ئەلەن خەرسەز.

آد يۈخەدو فەھەدادەن شەيرەن سەۋزومە
مەجنۈن تەك گۈرسەنمە لىلا گۈزومە
آنجەق، سەرگەردانەم اۋزوم اۋزومە
كۈۈشەنەن خەرسەز، چەۋلەن خەرسەز
تايفەدان خەرسەز، ئەلەن خەرسەز.

ئەۋلە يەخەن فەك بەر گەن ئەنەدادەن
مەنى آيرە سەلەدە قەلەن - قەنەدادەن
تەۋز بەسەمەش تەك كەمە چەخەمەشەم يەنەدادەن
زەخەنەن خەرسەز، تەلەنەن خەرسەز
تايفەدان خەرسەز، ئەلەنەن خەرسەز.

رەنگەمەنى اۋدەۋدەم آل يەنەق كەمەنى
آيرەلەق اۋدەنەدە يەنەدەم يەغە كەمەنى
سەنەدەم يەۋەش - يەۋەش بەر دەرەق كەمەنى
بەرچەكەنەن خەرسەز، تەلەنەن خەرسەز
تايفەدان خەرسەز، ئەلەنەن خەرسەز.

اٲلله ره (فرياد) یم گره ک بیلدیره
قورو یارپاق کیمی جان وئره وئره
قیریلدیم بوداقدان ییخیلدیم یئره
گرمیجدن خبرسیز، یئلدن خبرسیز
طایفادان خبرسیز، ائلدن خبرسیز.

اردییل ۷۰/۷/۱۹

اوجا بوى كفن

ائله تووسوزلاميشام، چن ده چمندير من اوچون
كۆچرى يئل كيمى غربت ده، وطندير من اوچون

گۇزو كور پنجره لردن ائله قورخوبدو گۇزوم
گونشين ده گۇزو آيدينديسا، چندير من اوچون

نه يامان قالدى باشيم گوزگو كيمين اؤزگه لره
داسا باخماقدان آمان يوخدو نندير من اوچون

دئدیلر چوخ اوجا بویدور یاراشیر اهیننه ناز
بیچدیلر بيلمه دیلر ناز! کفندیر من اوچون

باشیمی ساخلادی یاندیرسا دا اؤز ال- آياغین
اوره ییم باخما کی باشسیزدی بدندير من اوچون

او قدەر بالدان آغی، یاردان ایلان دنله میشم
بیر قوشام اووچولارین دا اوخو دندير من اوچون

ساز اولوب مین هاوا چالدين من اوچون آی هاوالی،
(فریاد) یم ایندی نه سندیر، نه ده مندير من اوچون.

اردبیل ۸۹/۸/۹

Başımı saxladı yandırısa da öz əl- ayağın
Ürəyim baxma ki başsızdı bədəndir mən üçün

O qədər baldan ağı, yardan ilan dənləmişəm
Bir quşam ovçuların da oxu dəndir mən üçün

Saz olub min hava çaldın mən üçün ay havalı,
(Fəryad)ım indi nə səndir, nə də məndir, mən üçün.

Ərdəbil 89/8/9 Əsəd nikfal "Fəryad"

Uca boy kəfən

Elə tovsuzlamışam, çən də çəməndir mən üçün
Köçəri yel kimi qürbət də, vətəndir mən üçün

Gözü kor pəncərələrdən elə qorxubdu gözüm
Günəşin də gözü aydındısa, çəndir mən üçün

Nə yaman qaldı başım güzgü kimin özgələrə
Daşa baxmaqdan aman yoxdu nədəndir mən üçün?

Dedilər çox uca boydur yaraşır əyninə naz
Biçdilər bilmədilər naz! kəfəndir mən üçün

Ellərə (Fəryad)ım gərək bildirə
Quru yarpaq kimi can verə- verə
Qırıldım budaqdan yığıldım yerə
Gərmicdən xəbərsiz, yeldən xəbərsiz
Tayfadan xəbərsiz, eldən xəbərsiz.

Ərdəbil 70/7/19 Əsəd nikfal "Fəryad"

Nə həmdərdim var nə də sırdaşım
Nə dodağım gülür nə də göz- qaşım
Səssiz boğur məni axan göz yaşım
Yağışdan xəbərsiz, seldən xəbərsiz
Tayfadan xəbərsiz, eldən xəbərsiz.

Ad yoxdu Fərhadın şirin sözündə
Məcnun tək görsənmir Leyla gözündə
Ancaq, sərgərdanam özüm özündə
Kövşəndən xəbərsiz, çöldən xəbərsiz
Tayfadan xəbərsiz, eldən xəbərsiz.

Evlər yıxan fəlak bir gün inaddan
Məni ayrı saldı qoldan- qanaddan
Toz basmış tar kimi çıxmışam yaddan
Zəxmədən xəbərsiz, teldən xəbərsiz
Tayfadan xəbərsiz, eldən xəbərsiz.

Rəngimi uduzdum alyanaq kimi
Ayrılıq odunda yandım yağ kimi
Sındım yavaş- yavaş bir daraq kimi
Birçəkdən xəbərsiz, teldən xəbərsiz
Tayfadan xəbərsiz, eldən xəbərsiz.

Xəbərsiz

Qəriblik odunda səssiz yanıram
Yandıqca ayrılıq dərdin qanıram
Dənsiz dəyirman tək boş fırlanıram
Tayfadan xəbərsiz, eldən xəbərsiz.

Bir zaman itmişdim eşq həvəsində
İndi boğuluram qəm ərəsində
Qanadım bağlıdır bağ qəfəsində
Gülşəndən xəbərsiz, güldən xəbərsiz
Tayfadan xəbərsiz, eldən xəbərsiz.

Bölgüdə qış mənə çatdı içi boş yaltağa yaz
Bu tay ehsasımı dondurdu o taysızlamışam

Dil quru, göz də susuz şövlə çəkir söz də susuz
Harda var bir sulu bardaq ki oxaysızlamışam?

Gecədi, çöldü, təkəm yox səsımə səs verənim
Dağ da (Fəryad)ımı qaytarmır ahaysızlamışam.

Ərdəbil 81/7/22 Əsəd nikfal "Fəryad"

Susuz söz

Bir sınıq tar kimi çoxdandı ki haysızlamışam
İldırım tək bulud altında haraysızlamışam

Başda xonça biri döymür qapımı ildən ilə
Quru çərşənbə kimi gör necə pəysiləmişəm

Biri məndə özünü görmədi yalqız yaşadım
Rəmkə içrə boğulan bir çayam aysızlamışam

Od yağıbdır sinəmə söz əkirəm göz göyərir
Quruyub dil- dodağım çöl kimi çaysızlamışam

Qəzəl- qəzəl qurudum öz içimdə dinlə məni
Sədəfli sinəsi sazlım nə tez yubandın sən?

Gəlin məqamlı, Muğam adlı pərdənin bəzəyi
Bayat şiraz avazlım nə tez yubandın sən?

Nə gec tələsdi mənim (Fəryad)ım nə gec dindi
Nə tez darıxdın a nazlım nə tez yubandın sən?.

Ərdəbil 87/5/20 Əsəd nikfal "Fəryad"

Nə tez yubandın sən

Nə tez yubandın sən a nazlım nə tez yubandın sən?

Şikəstə kəsmə boğazlım nə tez yubandın sən?

Ağacların nəfəsi; çayların pıçıltı səsi

Yaşıl qədəmləri yazlım, nə tez yubandın sən?

Azan da dum duru niyyətlə göz tikib saata

Yubandı güzgü namazlım nə tez yubandın sən?

Gözümdə min sara duyğu boğulmağa tələsir

Haraylı, haylı arazlım nə tez yubandın sən?

Kəsirəm öz boğazımdan sənə can bəsləyirəm
Bu oğurluqdu məyər xəlq ara böhtan içirəm?

Sahilin bəxtinə bağlanmış ağır bəxtimə bax
Uca bir daş kimi bir ömrüdü tufan içirəm

Hər gecə sübhə kimi (Fəryad)ı bal şərbəti tək
İçirəm, kim bilir ancaq necə heyran içirəm.

Ərdəbil 89/5/20 Əsəd nikfal "Fəryad"

Şirin dərd

Baxma sənsizliyi dünya dolusu qan içirəm
Qan içində qızıl ehsas dolusu can içirəm

Acı da olsa bu sevda, nə şirindir ağzım
Sənə xatir su kimin dərdimi dərman içirəm

And içəndə sənə and olsun o, aydın adına
Ayə- ayə elə bil ruhuma quran içirəm

Sənə qurban, nə sərin sözdü ki düşmüş dilimə
Sən mənim iç qanımı mən sənə qurban içirəm

Bilmirəm gülməliyəm yoxsa başa taptamalı?
Nə yaman yaxşı olar dost ola düşmən qulaq as

Özümü dərd eləsəm ehsasıma, dərdə düşüm
Bu haraylar ki, verilmiş mənə sənsən qulaq as

Bir nəfəs (Fəryad)ıma bir ağız aydın hava get
Sən oxu mən eşidim, mən alışım sən qulaq as.

Ərdəbil 89/5/18 Əsəd nikfal "Fəryad"

Bir ağız hava

Dağ- daşa çırpır özün bax, ürəkdən qulaq as
Niyə qalmış aralıqda görəsən çən? qulaq as

Dənizin də baxışında nə su vardır nə də duz
Döşənibdir elə bil ki, yerə kövşən qulaq as

Yuvanın arzısı yolda, balanın ağzı göyə
Dimdiyindən utanan quşlara dən- dən qulaq as

Qəfəsin gözləri dardır, qanadın nəfsi uca
Yerdəki göylərə də göz ucu hərdən qulaq as

Deylər niyə sınan ürəyin yoxdu bir səsi
Valonki, güzgüdən daşın altında səs yağır

Şair odur ki həm yağa həm də gürüldəyə
(Fəryad)ə yaxşı ki hər ikisindən həvəs yağır.

Ərdəbil 89/4/26 Əsəd nikfal "Fəryad"

Kəs ha kəs

Dil açmayan qanadlara göydən qəfəs yağır
Göydən yağan qəfəslərə yerdən nəfəs yağır

Zəncirdən tökülsə də göz- göz qəfəs nə söz?
Yazdan da paxla- paxla göyərmiş qəfəs yağır

Dolmuş qulaqlarım bu yalın şaqqa şaqqıdan
Qanlı qılıncdır yaşayış, kəs ha kəs yağır

Min yol bitsə gül, biri çatmaz boya, başa
Hər bir Sara axır Muğana, min Ərəs yağır

Eşqə ölüm olsun özünü varlığa büksə
Sənsizliyə can versə kəfənsiz qala sənsiz

Nə bir yeri vardır, nə də yurdu yiyəsidir
Dünya, nə rəvadır ki, vətənsiz qala sənsiz

Ulduz yerinə daş səpələr göylərə bir bir
(Fəryad)ım əyər bir gecə sənsiz qala sənsiz.

Ərdəbil 88/12/26 Əsəd nikfal "Fəryad"

Sənsiz

Kök salsa da yaz məndə, çəmənsiz qala sənsiz
Dağlar baş açıb üz- gözü çənsiz qala sənsiz

Gəl körpələri nazla, çətindir atasızlıq
Şer adlı balam zülumdü mənsiz qala sənsiz

Sənsizliyi udmaq acı sözdür yemək olmur
Quşlar da gərək ölsə də dənsiz qala sənsiz

Tək bir başa mən neyləyə billəm tut əlimdən
Nəzr eyləmişəm baş da bədənsiz qala sənsiz

Duzlu da olsa səsım bir para baxmır sözümə
Dadlı da olsa sözüm bir paranın şairiyəm

Seldi (Fəryad)ım onun bağlamaq olmaz qolunu
Kim bilir hardadı ruhum haranın şairiyəm?.

Ərdəbil 88/11/12 Əsəd nikfal "Fəryad"

Yara şairi

Kim bilir hardadı ruhum haranın şairiyəm?
Mən ürəklərdəki yanqın yaranın şairiyəm

Ayağım yerdədir ancaq baxışım ulduz əkir
Haranın bağlısıyam gör haranın şairiyəm?

Min Muğan Xançobanın dərdi dağılmış sinəmə
Min Araz vardı gözümdə Saranın, şairiyəm

Gecənin yazdım adın rəngi boğuldu kağızın
Üzüm ağdır ki bu bəxti qaranın şairiyəm

Nara əl vurma amandır hələ daşdır ürəyi
Daşa əl vursan olar nar mən öləndən sonra

Qışda da yağdı alov yer, göyümü yandırdı
Çəkilər üz- gözümə qar mən öləndən sonra

Mənə baxma hara qondum ya ox oldu ya qəfəs
Tapılar quşlara divar mən öləndən sonra

Düzdü dəryadə susuzluqdan ölən bir balıgam
Sel kimi ağlayanım var mən öləndən sonra

Nə qədər var nəfəsim (Fəryad)ımı təngə salar
Boğazımda boğular dar mən öləndən sonra.

Ərdəbil 88/10/27 Əsəd nikfal "Fəryad"

Mən öləndən sonra

Bilirəm rəhmə gələr yar mən öləndən sonra

Pərdə- pərdə açılar tar mən öləndən sonra

Hələ hey rəngi atır, hey saralır, hey bozarır

Bilirəm bar gətirər bağ mən öləndən sonra

Bir baxım ulduz üçün bir ömür aysız yaşadım

Gün çıxar çayda çalıqlar mən öləndən sonra

Tüstü- tüstü dodağım qarnına doldurdu odu

Qorxasan sönməyə siqar mən öləndən sonra

Bülbül tək oxudum bağda beş on- gün
Sonra qanadıma vurdular dügün
İndi bir qəfəs də yoxdu mənimçün
Bahar yağa- yağa, bar yağa- yağa.

Qürbət səsi gəlir yardan, diyardan
Yaz dərə bilmirəm bağdan, bahardan
Yarsız dolanıram damdan, divardan
Sevgi yağa- yağa, yar yağa- yağa.

Nəfəs boğazımı yaman sıxıbdır
Ölüm dura- dura məni yıxıbdır
Yaşayış mənimçün yoxa çıxıbdır
Varlıq yağa- yağa, var yağa- yağa.

(Fəryad)ım od kimi çıxır içimdən
Yer, göy qış içində, od içində mən
Cəhənnəm tökülür üstümə göydən
Yağış yağa- yağa, qar yağa- yağa.

Ərdəbil 88/9/4 Əsəd nikfə "Fəryad"

Cəhənnəm tökülür

Dənsizlik dolubdur duru aşıma
Düğün çatılıbdır çatma qaşıma
Bir damcı da sevgi yağmır başıma
Mahnı yağa- yağa, tar yağa- yağa.

Sinəm kağız oldu, ox qələm oldu
Hər yerə üz qoydum qəm ələm oldu
Təbiətdən payım daşkələm oldu
Heyva yağa- yağa, nar yağa- yağa.

Yollar darıxdı ancaq intizar darıxmadı
Həsərət bitib sinəmdə adamsız şəhər kimin

Kaş varlığım üzərlik olub hay salıb yana
Sənsizliyin çıxarda gözün bədnəzər kimin

Eylər gəlib, gedən qara tapdaq bu küçədə
Alçaq tikilsə mən kimi divarı hər kimin

(Fəryad)ım arxasızdı siz allah unutmayın
Son yoldaşım durub qapıda son səfər kimin.

Ərdəbil 88/8/24 Əsəd nikfal "Fəryad"

Arxasız

Baxma üzüm gəzib dolanır bəxtəvər kimin
Qəmlər içimdə nəre çəkir lov xəbər kimin

Bir damcı dadmışam dil ucu sevgi təklifin
Bir ömrdür ki, ağzım olubdur zəhər kimin

Mürdabə düşmüşəm kəsilibdir nəfəs yolum
Hərzə ələf içir boğazım, təşnələr kimin

Axdıqca gözlərim tutulur od tutur canım
Təqdirə bax ki əyləşib alnımda tər kimin

Kaş zəlzələ tək hər uca divarı yıxaydı
Kölgə kimi yıxmaydı özün divara bəxtim

Nə sinəsi vardır mənə baş yoldaşı olsun
Nə əlləri vardır verə bir səs tara bəxtim

Yay yazda da əynin soyunub şaxta geyindi
Bar vermədi (Fəryad)ımı qoydu bara bəxtim.

Ərdəbil 88/8/17 Əsəd nikfal "Fəryad"

Bəxtim

Bir ox kimi sinəmdə becərdir yara bəxtim
Yazda qışa bax, ağ günə çatmış qara bəxtim

Ceyran kimi bir an gözümə dəydi sovuşdu
Dağ- daş özü də bilmədi getdi hara bəxtim

Yavardım ona gəlmədi vaxtında, yubandı
Döndərdi yaşıl ruhumu qanlı nara bəxtim

Kardan düşüb indi ürəyim bir para heçdi
Peşmanlasa da gəlsə də gəlməz kara bəxtim

Ya özgəliklə qoşul qaç, ya da qoşul özünə
Nə bəllidir udacaq, qumardı hər ikisi

Amandı özgələrə yalvarıb ağız açma
Göz istəsən ya da can, məndə vardı hər ikisi

Mənim bir odlu sinəm var bir az da (Fəryad)ım
Məni sevənlər üçün yadgardı hər ikisi.

Ərdəbil 88/5/25 Əsəd nikfal "Fəryad"

Hər ikisi

Mənim canım mənim eşqim xumardı hər ikisi
Sənin gözüün, sənin arzın bahardı hər ikisi

Yaman gözüün dili yansın mənə ölüm, sənə söz
Mən olmasaydım üzərlik çıxardı hər ikisi

Belə qulaqlarımı doldurubdu sənsizlik,
Ki söz eşitməsələr küsməkardı hər ikisi

Yumanda gözlərini eybim örtülür birbir
Abır tökən küçələrçün duvardı hər ikisi

Cana gələndə canım başlayanda son səfəri
Mənimlə olmasa yol yoldaşı kəfən nə deyim?

Özüm ki, istəmirəm (Fəryad)ım çölə tökülə
Dağılsa şerimə dərdim, desə denən, nə deyim?

Ərdəbil 88/5/13 Əsəd nikfə "Fəryad"

Nə deyim

Mənimlə özgəliyə başlayanda sən nə deyim?

Sən olmasan mənə məndən bəhanə mən nə deyim?

İçim dolur boşalır, gözlərim gülür danışır

Danışdıranda məni dağlar üstə çən, nə deyim?

Biri demir ürəyim dağ kimi qara bürünüb

Hamı deyir başına düşməyibdi dən nə deyim?

Bu dünyada qəribəm heç baxış məni tanımır

Kəfən- kəfən mənə göndər bir ağ vətən nə deyim?

Sınıq ürəklərə bir kimsə üz dolandırır
Yavaş- yavaş eləbil qiblədən namaz biçilir

Görəndə elçini qızlarda arzı parçalanır
Boğazlarında bə- bə...li cahaz- cahaz biçilir

Boğur yanaqlarımı parça- parça gözdəki sel
Xana deyın saranın əyninə araz biçilir

Nədəndi bu yaralı (Fəryad)ın uca boyuna
Qanad qəvarəsi çoxdandı ki, çox az biçilir.

Ərdəbil 88/2/9 Əsəd nikfal "Fəryad"

Parça- parça arzı

Nəfəs çəkəndə haraylar boğaz- boğaz biçilir

Oraq- oraq sazağın əllərində yaz biçilir

Qəfəs- qəfəs yumulanda qanad ümid kəsilir

Qanad- qanad kəsiləndə ümid boğaz biçilir

Bitəndə nazlı baxışlar oxun gözü götümür

Gözün yumur açır ağzın, baxışda naz biçilir

Belə əkinçiliyi bilmirəm kim öyrətdi?

Ki, odlı söz əkilir sinəm üstə saz biçilir

Dərdimi gizlədərəm nay nayın altında dedim
Bara qoydum özümü tar tanış çıxdı mənə

Çox xəbərdə dedilər istəməli şairidi
Mən öləndən sora əxbar tanış çıxdı mənə

Elin içrə daha tumarı pozuldu dedilər
Doldu (Fəryad)ilə tumar tanış çıxdı mənə.

Ərdəbil 88/1/23 Əsəd nikfal "Fəryad"

Təkcə siqar

Gül açanda baxışım xar tanış çıxdı mənə
Dil açanda boğazım dar tanış çıxdı mənə

Səndə itməkdən üçün çıxdım özümdən qırağa
Hər qədəmdə neçə divar tanış çıxdı mənə

Sən gələndə adımı pozdular sənsizlikdən
Söz gələndə yenə amar tanış çıxdı mənə

Acı ömrüm kimi yandıqca güdəldi nəfəsi
Təkcə bu şəhridə siqar tanış çıxdı mənə

Acı düzün qadasın alsa aynalı könlüm
Şirin yalanlara qarşı, inad məni çağırır

Bahar coşur qəzəlimdən yaşıllığın nəfəsi,
Çəkir xəzəllərin altında dad məni çağırır

Tanış gəlir mənə (Fəryad)ı kim adamsızdır?
Durum gedim ki, tanış çıxdı yad məni çağırır.

Ərdəbil 88/1/21 Əsəd nikfal "Fəryad"

Durum gedim

Bu tayda süfrə açıldıqca dad məni çağırır

O tayda şer yayıldıqca ad məni çağırır

Bu tayda bir hələlik qüdrətin qızıl boğazı

O tayda torpaq olan Keyqubad məni çağırır

Ağır iradəmi pambıq kimi oda çəkmə

Bir eşq vardı ki orda polad məni çağırır

Məni aparma bağa neylirəm adı ya yadı

Qəfəsdə bir qana batmış qanad məni çağırır

Dolaşdı boynuma dar tək nəfəs yolun kəsdi
Mənə nə yar, nə də divar damar qənim çıxdı

Dilində bəslədi eşqi əlində öldürdü
Sənə belə deyim; eşqə şuar qənim çıxdı

Dedim dadı yayılar ruzgarə (Fəryad)ın
Yayılmadı canıma ruzgar qənim çıxdı.

Ərdəbil 87/1/21 Əsəd nikfal "Fəryad"

Qənim

Mənə bir özgəsi yox, nazlı yar qənim çıxdı
Ürəkdə bəslədiyim duyğular qənim çıxdı

Canım qurtardı qəfəsdə, göyərdi balu pərim
Yaşıl qanadlarıma son bahar qənim çıxdı

Yox əllə aldım ələ, hər nə vardı hər gözdə
Şirin bu al vberimə hər nə var qənim çıxdı

Tarı da bağrıma basdım sinəmdə döndü oxa
Sızıldayan səsimə qanlı tar qənim çıxdı

Söz də bir siqar kimi yandıqca qıssalsın gərək
Odlu tufanlar göyərdər icazın bir damcısı

Çox- çox az eşqim, çox az da gizlin ahım var mənim
Qanlı dəryalar boğar bu, çox azın bir damcısı

Olmaz- olmaz söyləmə pürçüm tapar bizdən rəqib
Öldürər (Fəryad)ı olmaz olmazın bir damcısı.

Ərdəbil 88/1/19 Əsəd nikfal "Fəryad"

Çox az

Zövqümü islatsa qıtlıqda nazın bir damcısı
Şaiəm bəsdir mənə bir az yazın bir damcısı

Bir qanad vurmaqla allam göyləri ağuşımə
Üstümə qonsa qəfəsdə pərvazın bir damcısı

Dəryada quşlar, balıqlar göydə hal eylər bütün
Döş- döşə qoysa mənimlən bir sazın bir damcısı

Göz gülər saz səs verər, səs güllənər, dil güllənər
Lallığa bir an yayılsa avazın bir damcısı

Çərşənbə gəlsə süfrələri sin, bəzər bütün
Od yansa şam kimi əriyər buzların payı

Sevda səsi, sazın sözü, sevmək, sevim, sevinc
Bunlardan olmadı biri yalqızların payı

tikib gözün qapıya pay gələ könül Çoxlar
Sən də bu şəri yaz, atasız qızların payı.

Ərdəbil 87/22/20 Əsəd nikfəli "Fəryad"

Bayram payı

Odlanmaq imiş eşqdə ulduzların payı
Bir xonça niskil imiş adamsızların payı

Yel tək qanadlanıb buludun üz- gözün silək
Ay can verər verilməsə ulduzların payı

Çox yerdə var ilan göyərir gül göyərmədən
Dağ- daş solar göyərməsə yapızların payı

Bayram gələndə bal kimi gözlər şirinləşər
Yaddan çıxar acı söz olar duzların payı

Deim day bəsdır ay ulduz, duzumda yoxdu dad sənsiz
Nə duz qaldı, nə dad qldı, nə day bildi nə sən bildin

Belə ehmal çığırdım mən, kağaz yandı, qələm sındı
Qəzəllər gəldi (Fəryad)ə nə hay bildi nə sən bildin.

Ərdəbil 87/9/20 Əsəd nikfal "Fəryad"

Bəs kim biləcək

Gözümdən süzdü ulduzlar nə ay bildin nə sən bildin
Dilimdən axdı həsrətlər nə çay bildi nə sən bildin

Nəfəs gəldi yerə ancaq nə gül bitdi nə də sevgi
Alışdı yandı çərşənbə nə pay bildi nə sən bildin

Kimin dərдин bilir kimlər?! Belə səssiz xəzan oldum

Həyat adlı qəbir içrə dirikən basdırıldım mən
Canım içrə canım çıxdı, nə vay bildi nə sən bildin

Baxma ki donmuşam bulaq ollam günəş sözün,
Çöldən çölə axıb yayaram qar dilindəyəm

Öz qəlbinin qanında boğulmuş şafaq kimi
Son (Fəryad)ım gedir göyə divar dilindəyəm.

Ərdəbil 87/4/6 Əsəd nikfə "Fəryad"

Qan pərdəsi

Yox- yox qaşın diliyəm yar dilindəyəm
Bilməm yox dilində ya da var dilindəyəm

Tarda batır səsim nəfəsim teldə güllənir
Bir an telin dilində bir an tar dilindəyəm

Bir kəlməyəm ki öz qabığımdan çıxan kimi,
Qan pərdəsində dillənirəm nar dilindəyəm

Bir ömrdür zaman boğazımdan tutub sıxır
Mənlik deyil dilim uzanır dar dilindəyəm

Sözü vardır ki, qızılgül gələcək elçi, qızıl yox
Arzılar əl açacaq, oynayacaq ay küçəmizdə

Saatın zəngi oyandı mənə tez- tez dedi yatma
Bu şirinlikləri baldan da şirin yay küçəmizdə

Bir yuxuymuş dedim ey vay belə sözlər ki var imiş
Göz yaşım döndü qana axdı acı çay küçəmizdə

Düşdü göydən neçə alma biri (Fəryad)ıma çatdı
Biri kal çıxdı biri ağladı hay- hay küçəmizdə.

Ərdəbil 87/3/8 Əsəd nikfal "Fəryad"

Nağıl

Sözü vardır ki, qonaqlıq verəcək ay küçəmizdə
Ulduz- ulduz qapılarda salacaq hay küçəmizdə

Sözü vardır ki, səfərdən gələcək buxçası əldə
Xonçası başda günəş paylayacaq pay küçəmizdə

Sözü vardır ki sərin yel əsəcək nəğmə dilində
Nəfəsi dolduracaq tellərə nay- nay küçəmizdə

Sözü vardır gələcək şənbədə çərşənbə donunda
Olacaq payızımız, yaz, qışımız yay küçəmizdə

Qaş- qabaq sallama göydən yerə novdan buzu tək
Min günəş gözlü yanaqlar qonağımdır bu gecə

Durna- durna gözümə qondu ötən xatirələr
Bu yaxınlıqda uzaqlar qonağımdır bu gecə

Dum duru ləhcə, sərin nəğmə, susuz şerimə qat
Lil nəfəs çəkmə bulaqlar qonağımdır bu gecə

Gecə bağrında şafaq tək göz açan (Fəryad)a bax
Yuxuya yer sal oyaqlar qonağımdır bu gecə.

Ərdəbil 87/3/6 Əsəd nikfal "Fəryad"

Məni söndürmə

Məni söndürmə çıraqlar qonağımdır bu gecə
Külə basdırma ocaqlar qonağımdır bu gecə

Daş ürəklərdən uzaq saxla mənim baş- gözümlü
Güzgüdən güzgü qonaqlar qonağımdır bu gecə

Tök üzə halımı gizlətmə pərişanlığımı
Üstümü örtmə daraqlar qonağımdır bu gecə

Bir diləm bağlama lallıqda məni qoy dolanım
Yerimi rahla dodaqlar qonağımdır bu gecə

Ay yalançı demə nəfsin qolunu bağlamışam
Tərsə divin də yalansa, sənə dəysin qadası

Daş dəyəndə sənə şeytan desə ax- vay nə əcəb
Gərək əhrimənin əhrimənə dəysin qadası.

Ərdəbil 87/2/29 Əsəd nikfal "Fəryad"

Nə düşməndi bu dost

Duyğumun hər nə qədər var mənə dəysin qadası
Axı dostumdu mənim düşməne dəysin qadası

Öz içində yanır ancaq, çölə şənlik calayır
Ürəyimdir ki, günəşdir çənə dəysin qadası

Quşu aldatdı tora saldı nə düşməndi bu dost
Oxların, daşların allah, dənə dəysin qadası

Dəstə- dəstə gülü qurban dərərəm göz yaşına
Səssiz ağlar bulağın susənə dəysin qadası

Söz çıxardar kölgələr sənsiz dolansam küçəni
Gər inanmırsan mənimlə bir dolan sənsizliyi

Min varaq sənsizliyə yandım cavabın almadım
Düz deyirsənsə özün ver imtahan sənsizliyi

Intizarın şövqü çoxdur məndə, qaldım ölmədim
Göy də izzətdən düşər çəksə bir an sənsizliyi

Bir acı çaydır bu dünya nə dadı var nə duzu
Min araz ağlar içən bir istəkan sənsizliyi

Bir yuxudur sanki (Fəryad)ım çıxır çıxmır səsim
Kaş ayılaydım olaydı kaş, yalan sənsizliyi.

Ərdəbil 87/2/21 Əsəd nikfal "Fəryad"

Dolan sənsizliyi

Süzdü kəlmə- kəlmə tamsındım yaman sənsizliyi
Şərimə zəhrədi doldurdu zaman sənsizliyi

Hər qədəmdə dizlərim əsməzdi yarpaqlar kimi
Bir ağır yük tək çəkə bilsəydi can sənsizliyi

Laxta- laxta yol kəsibdir qəlbimi dildən salıb
Dərdə düşməzdim qana bilsəydi qan sənsizliyi

Heç bilirsən gün niyə görmür günü ağlar keçir?
Pərdə çəkmiş dağların üstə duman sənsizliyi

Balama qurban inəklər, balama qurban özüm
Sal yada Xan nənəni lay bala laydan de mənə

Qızların çəşmə başında saçını hörməkdən
Ya cavanlar güləşən çimməli çaydan de mənə

Qayıdanda kişilər evə çöldən xəstə, susuz
Bir qadın atifə bir küzə oxaydan de mənə

Sağ- sola baxma ki, düz yol səni yarə yetirər
Nə o taydan danış ay göz, nə bu taydan de mənə

Aşığın son sözü ay dad aman ay dadə çatar
Sən də (Fəryad)ə bax öyrən aman aydan de mənə.

Ərdəbil 87/2/12 Əsəd nikfal "Fəryad"

Bir küzə oxay

Duzlu bir həncərəyəm dadlı haraydan de mənə
Bağlı bir pəncərəyəm çöldəki haydan de mənə

Bir içim nay- naya həsrətdi susuz dil- dodağım
Bir az, az ağla, bir az, az dədə vaydan de mənə

Nəfəsi xonçaya doldur qurumuş bir ağacam
Odlu çərşənbə qatışdır yelə paydan de mənə

Sevgidən kürsü quraq mən danışım sən qulaq as
Bir baxış isti çörəkdən, acı çaydan de mənə

Moc tək çox yumuşaqdır ürəyim dəymə, sınar
Bundan ötrü gəzirəm sahili hörmət neçəyə?

Bahalıqdır demə, bir bəli ver al min ləli
Onda bilməzsən ədalət neçəyə ət neçəyə?

Nə alan var nə satan, bir kəs onun tutmur adın
Gözdə bilmir ki, nəcabət neçə qeyrət neçəyə?

Məndəki mənliyimi izzəti nəfsim yaşadır
Ölərəm çatmasa (Fəryad)ıma izzət neçəyə?

Ərdəbil 87/2/14 Əsəd nikfal "Fəryad"

Neçəyə

Ay ağa: bir baxım ulduzlu sədaqət neçəyə?
Bir qələm atifə, bir şaxə məhəbbət neçəyə?

Nə tükanda, nə bazarda nə şəhərdə tapılır
Sən də vardırısa denən yaxşı ədalət neçəyə?

Bütün alverdə yalandan dedilər əslidi bu
Düzü var səndə əyər söylə həqiqət neçəyə?

Yer- göyü saldım ayaqdan sənə çatdı gümanım
Bir günəş çoxdusa bir zərrə sədaqət neçəyə?

Mənki qulubəna ətəyindən yapışmışam
Həvvel deyəndə hal, gərək hallanam yaşıl

Cismimdən öncə ruhuma lazımdı toz tökəm
Ruhum yaşıl geyinməsə mən olmaram yaşıl

Mənlə yaşıllığın dadını duydu ruzgar
Yurdum- yuvam yaşıldı mənim, el- obam yaşıl

Mənlilik deyil yaşıl yaşamaqdan əl üzmürəm,
Çün ki atam yaşıl yaşayıbdır, anam yaşıl

Od var cəhənnəmin odudur, od var eşq odu
Yansam da el yolunda gərəkdir yanam yaşıl

Qıpqırmızı gül oldu mənim sapsarı üzüm
(Fəryad)ə bax ki, rəngi ağapbaqdı yamyaşıl.

Ərdəbil 87 Əsəd nikfal "Fəryad"bahar

Yam yaşıl

Varlıq yenə təbiətə can verdi yam yaşıl
Mən də gərək bu şeri yazanda yazam yaşıl

Gəl- get dolub ürəklərə gömgöydü sevgilər
Gözlər tamam yaşıldı baxışlar tamam yaşıl

Hər yer salam- kalamdı yer- göy fərəhlənir
Dildə salam yaşıldı, dodaqda kalam yaşıl

Əllər çalır, ürək oxuyur, gözlər oynayır
Mən də gərək bu mərəkədən pay alam yaşıl

Mən də döndüm sən də döndün mən qana sən xəncərə
Mən yazıq səndən sarı, sən bəxtəvər qandan sarı

Şəmə söylə can nədir pərvanəyə bax öl, əri
Baş əyirsən, yaş tökürsən bir quru candan sarı

Min dilək(Fəryad)ı min dərdi satarlar bir ada
Bir ürək çırpınmasa hər yerdə vücdandan sarı.

Ərdəbil 86/10/10 Əsəd nikfal "Fəryad"

Mən də sən də

Çox dənizlər boğmuşam bir damcı tufandan sarı
Min qəzəl öldürmüşəm bir kəlmə qan- qandan sarı

Ta səni sən tək yazam, sən tək yayam öz şerimə
Zövqümə tor qurmuşam söz adlı ceyrandan sarı

Bir gecə bir an səni gördüm içimdə ay kimi
Bir ömürdür can verir ruhum o, bir andan sarı

Düzdür ellər söylədi hər aşiqin dövranı var
Tər təmizdir eşq, çirkinlətmə dövrandan sarı

Bir beşik tək inamın körpəsini yırgalasa
Çalacaqdır zamanın torpağı lay- lay sözümə

Min günəş istiliyin yaymasa can kövşəninə
Yalvara- yalvara yaxmaz baxışın yay sözümə

Lal baxışlar mənə qaqqıldadı dedim; ey-y-y
Döndü (Fəryad)ə gözüm ağladı hay- hay sözümə.

Ərdəbil 86/10/2 Əsəd nikfal "Fəryad"

Çərşənbə payı

Ürəyim versə bir kəlmə əyər hay sözümə
Yeri vardır desələr vay özümə, vay sözümə

Yam yaşıl yaz nəfəsin canda qonaq saxlamasa
Quru çərşənbə kimi kim verəcək pay sözümə?

Zəxmə- zəxmə günəşin tellərinə verməsə səs
Ulduz- ulduz qulaq asmaz gecələr ay sözümə

Bir dəniz qucağın açmasa yol yorğununa
Ağlaya- ağlaya atmaz özünü çay sözümə

Dilim ki, var deyə billəm aşıq çal öz havamı
Məni öz istəyinə oynadan aman versə

Sinəmdə kəsmə namazın qılar şikəstə sazım
Qəza- qədər uzaq olsa zaman aman versə

Dadar sükutu qaranlıqda çırpınan (Fəryad)
Boğuntudan ucalan dad- aman, aman versə.

Ərdəbil 86/1/15 Əsəd nikfal "Fəryad"

Kəsmə şikəstə namaz

Günəşlə qol- boyun ollam duman aman versə
Özümdə doğrula billəm güman aman versə

Yazın qonaqlıq ayın, quşların hayın- harayın
Atüşkədən xəbər allam boran aman versə

Sinəmdə quylanan arzım açar qızıl çətrin
Dəfinə üstünə çökmüş ilan aman versə

Baxış danışsa inam doğrular, dilək dil açar
Dili ağızda qurutmuş yalan aman versə

Quşu azad eləyəyib göyləri ancaq qurudaq
Qanadı uçmağa zəncir eləyək kim kimədi

Yağlı olsa yuxumuz öz kasamızdan danışaq
Yavanın qonşuya təbir eləyək kim kimədi

Min ürəkdən qan alıb bir damar ehsan eləyək
Zülmilə xalqı nəməkgir eləyək kim kimədi

Tez gələk imlamız olsa kilasa bist aparaq
Min kitab inşada təxir eləyək kim kimədi

Az yaşa naz yaşa təfsirini kimdir oxuya
Sərfəli süfrəni təfsir eləyək kim kimədi

Günəşin yerdə qıçın bağlasalar gör nə çəkər,
Ruh (Fəryad)ı zəmingir eləyək kim kimədi.

Ərdəbil 86/1/10 Əsəd nikfal "Fəryad"

Kim kimədi

Ey qələm tülkünə gəl şir eləyək kim kimədi
Bir çürük taxtanı şəmşir eləyək kim kimədi

Lal zülümlər ələm etdi ölümü elm adına
Biz də gəl lal zəbəri zir eləyək kim kimədi

Axirət nisyədi dünyadə hamı nəqdi gəzir
Bu hesablan ikini bir eləyək kim kimədi

İndiki qədri bilən yoxdu qızıl gül ya tikan
Dəm bə dəm yel kimi təğyir eləyək kim kimədi

Bir qaranlıq daxmadır könlüm itirmiş qibləsin
Kəbəm ol görsən, işıq sal batma ay dan ulduzum

Göydə göyçək görsənirsən yandırırısan aşiqi
Al yanaqda sanki bir xal batma ay dan ulduzum

Qal bir az da həm yetişsin həm şirinləssin dilim
Yoxsa söz- söhbət qalar kal batma ay dan ulduzum

Ildırım tək göylərə imza vur ad yaz, sonra get
Qanlı bir (Fəryad)ilə lal batma ay dan ulduzum.

Ərdəbil 84/1/26 Əsəd nikfal "Fəryad"

Dan ulduzum

Doymayıb səndən gözüüm, qal batma ay dan ulduzum
Dadlı bax məndən, məni al batma ay dan ulduzum

Görmürəm sənsiz məni aç gözlərin can ver mənə
Yatma tezdir kipriyin çal batma ay dan ulduzum

Sən yayılcaq göylərə sübh eylədi ağzın şirin
Bax, buludlardan yağır bal, batma ay dan ulduzum

Gec gəlib tez getmə ay ulduzların son elçisi
Dəstə gül bağla gətir hal, batma ay dan ulduzum

Mənim sinəmdəki odlar əkilməmiş göyərir
Qəzəl- qəzəl qoca sözlər subaydı şerimdə

Şirinlik umma sözümdən ki, daddığım acıdır
İçim- içim acılıq dadlı paydı şerimdə

Bir anda min dəli duyğu içimdə sancı çəkir
Çəkən bilir ki bir an, doqquz aydı şerimdə

Bulud dalında səsim bir günəş kimi tutulub
Bu kölgələr ki, görürsən haraydı şerimdə

Eşitdi (Fəryad)ımı bir gecə qonum- qonşu
Bütün şəhər bilir indi nə haydı şerimdə.

Ərdəbil 83/8/10 Əsəd nikfal "Fəryad"

Qoca subay söz

Nə ay günəşdi, nə bir ulduz aydı şerimdə
Nə yaz yazıqdı, nə qış odlu yaydı şerimdə

Kaman kamandı, ox oxdu, bəla bələdi, su su
Nə əyri düz, nə də ax- vay oxaydı şerimdə

Tacım əlimdisə təxtim tikanlı bəxtimdir
Hayan bilir ki, hayanlar saraydı şerimdə

Apardı sel Saranı mahnadır ki, ölməyə səs
Sazın döşündə axan mahnı, çaydı şerimdə

Sel də olsam, daşa dəydikcə başım parçalanır
Ayaq altında qalan daşlara, başdan nə deyim

Savaşırılar küçəmizdə, biri kardır biri kor
Bu eşitmir o da görmür bu savaşdaş nə deyim

Daş çörəkdən çıxır, evimizdə çörək də daşdan
Belə qismətdən o daşdan bu, lavaşdan nə deyim

Biri azdır, biri çoxdur, biri acdır, biri tox
Yağlı boşqablara bilməm yavan aşdan nə deyim

Sukut iftarını (Fəryad)ilə istirdim açam,
Ağzımı açcaq azan verdi obaşdan nə deyim.

Ərdəbil 83/3/6 Əsəd nikfal "Fəryad"

Bilməm nə deyim

Nə deyim, ax nə deyim, gözə qaşdan nə deyim
Sən də döndün daşa bilməm, daşa daşdan nə deyim

Hey daşır çırpçalanır, həsrəti əmlək quzunun
Bir sağılmış qoyuna, daşa daşdan nə deyim

Ürəyim doldu, qəmim daşdı, yuxum islandı
Yuxusuz gözlərimə, bir belə yaşdan nə deyim

Qaşa xatir üzüyüm, ağzın açır hər gələnə
Qaş- gözün atmadadır qaş, belə qaşdan nə deyim

Tar da gördü səsi çıxsə dili kökdən çıxacaq
Tutdu hop tutmadı bir dəm hələlik atdı səsi

Atdım əl pərdəsinə dırnağıma qan doldu
Pərdə- pərdə ürəyimdə qanı qaynatdı səsi

Öldü tar sinəmin üstündə yetim qaldı simi
Başladı vay- şüvənə ağladı ağlatdı səsi

Bir sınıq tar kimi (Fəryad) elədim dinlə: məni
Dinmədi susdu bu susqunluğu dığlatdı məni.

Ərdəbil 83/2/2 Əsəd nikfal "Fəryad"

Hörümçək toru

Adı batmış tarımın yandı dili batdı səsi
Nə qədər silkələdim vermədi hay batdı səsi

Tel bə tel yoldu saçın tökdü hörümçək yoluna
Tozlu bir taxçada şeytan toruna satdı səsi

Əl yetirsəydim ona dindirəcəkdim ürəyin
Nə mənə əlləri çatdı nə sənə çatdı səsi

Tar gələndə dilə oynarsa gəlinlər, qızlar
Göz giləmdə yaşı bilməm nədən oynatdı səsi

Odlu bir (Fəryad)a bənzər gözümlün hər baxışı
Ağzımı açma ki səssizcə közümdən süzürəm.

Ərdəbil 82/11/1 Əsəd nikfəl "Fəryad"

Ağzımı açma

Bir sözəm yandıgıca köz- köz özümdən süzürəm

Bir dağam coşduğuca odlu gözümdən süzürəm

Bir saat tək bilə bilməm ki niyə yol gedirəm

Addım- addım nə deyim ancaq özümdən süzürəm

Qanlı tel bir taram aydınlıq uman aynalara

Pərdə- pərdə dilə gəldikcə sözümdən süzürəm

Yasda da, toyda da şam tək yanıram mən qaragün

Dözürəm hər oda dözdükcə dözümdən süzürəm

Qorxdular ki göz yaşı gözdən düşə mirvarı tək
Dalğanın sahil döşündə nay- nayın gizlətdilər

Qarğalar nərgis yatan gülşəndə qar- qar yağıdılar
Baxçada sızğın yelin də lay- layın gizlətdilər

Üzdən ahu daldan ancaq qurda bənzər çoxları
Güzgülərdə bunların çirkin tayın gizlətdilər

Boş təbil tək bəski yersiz dil töküb hay saldılar
(Fəryad)ın da tar kimin odlu hayın gizlətdilər.

Ərdəbil 82/7/10 Əsəd nikfal "Fəryad"

Gizlin ax vay

Hər neçə quş vurdular bizdən sayın gizlətdilər
Ovçular ox atdılar ancaq yayın gizlətdilər

Bildilər ki xonça sındı, buxça getdi taxçaya
Süfrədən çərşənbələr, bayram payın gizlətdilər

Gördülər ki gözlərim ay tək dananmır gördüyün
Bir tayın yandırdılarsa bir tayın gizlətdilər

Vurdular hər kəs dilə gəldi, dönüb əl çaldılar
Nay nay içrə əhli dərдин ax- vayın gizlətdilər

Günəş də bizlərə göz versə ay işıq verməz
Ekiz tay ulduzum ol parla halədən gizlin

Yanır, qana boyanır dağ içində səssizlər
Çıraq çilçilədən, lalə lalədən gizlin

Inan gözümdəki (Fəryad) dərd naməsidir
Bu sirri sən oxu sən bil risalədən gizlin.

Ərdəbil 82/7/5 Əsəd nikfal "Fəryad"

Göz var işıq yox

Gəl oxşayaq gülə güllükdə jalədən gizlin

Gülə- gülə saralaq odlı nalədən gizlin

Yerə düşəndə də göydən yamaclara səpilək

Ölək, dirilməyə xatir şəlalədən gizlin

Gərəkdir alını açıq dalğalar kimi yaşayaq

Bu alnımızda yazılmış həvalədən gizlin

Alovlu sözlərilən gəl gedək dodaq dodağa

Öluncə keflənək ancaq, piyalədən gizlin

Azad yaşamaq, az yaşamaq, naz yaşamaqdır
Qartaldan əyər anlasa qalmaz dala qarğa

Bir yerdə ki hammi gözü satmış çəlik almış
Var qorxu qaranquşları gözdən sala qarğa

Gah bağda gəzir gah dolanır zir- zibil içrə
Sən düşmə könül düşsə də haldan hala qarğa

Bilməm nədi bu, quşdu ya da göydə uçan heç
Bir an mıxa döydü daha bir an nala qarğa

Bayquşlarılan qol- boyun et ancaq, ilahı,
Qıyma yaralı durnanı tez- tez çala qarğa

Aydın səhərin üz- gözünü sən qoru (Fəryad)
Çal- çal gecəsi əysə boyun çalçala qarğa.

Ərdəbil 82/7/1 Əsəd nikfal "Fəryad"

Ala qarğa

Min il yaşasa zillət içində ala qarğa
Sanmam ki ürəklərdə qalarğı qala qarğa

Bir an yaşamaq, min il ölümdə yaşamaq yox
Azadlığı kaş dalğadan ilham ala qarğa

Əl tək qanadın gör nə açır quşlar uçanda
Sankı çevirirlər sənə göydən ala, qarğa

Quzğunlar ara ay sarı bülbül nə gəzirsən?
Qan qaynağıdır burda çıxartmaz bala qarğa

Hər nə gəldi başıma bilmədim hardan gəldi
Qıç ki pambıqla daşı seçmədi keydən xəbər al

Lalənin də qarışıb qırmızı göz bəxi qana
Dili gəlmirsə sözə qanlı gileydən xəbər al

Mərd ayaq üstə duranmaz ki, dağı dağ əridir
Dizi üstə yerə çökmək nədi heydən xəbər al

Qal ürəklərdə yaşa yaz ya da qış, getməlisən
Inamın yoxdusa fərvərdinə, deydən xəbər al

Dedim ay dağ dayaq ol sevgimə dağ söylədi eyyy
Susdu (Fəryad)ıma səs vermədi eydən xəbər al.

Ərdəbil 82/6/9 Əsəd nikfal "Fəryad"

Xəbər al

Nələdən gizlənən əhvalımı neydən xəbər al
Məni məndən ayıran halımı meydən xəbər al

Güzgü könlüm niyə sındı daş ürəklərdən sor
Quş uçanda niyə batdı qana, leydən xəbər al

Yıxılıb durmağıma baxma, sınıq pəncərəyəm
Ev yıxıldı, duvar uçdu niyə?! Peydən xəbər al

Tutulubdur ürəyim daxmadakı kölgə kimi
Günəşin oynağını güllü güneydən xəbər al

Sən daşlara da can dedin əfsus ürəklər
Döndü daşa daş qandı olar qanmadı can can

Sevdanı dananlar səni dandı günə çıxdı
Soldu o sevənlər ki səni danmadı can can

Səyyad quran torlara ovlandı o ceyran
Düz eşqinə könlüm nədən ovlanmadı can can

Üzlüklərə aldandı o qədr aynalı könlüm
(Fəryad)ə gələn düzlüyü düz sanmadı can can.

Ərdəbil 82/5/20 Əsəd nikfal "Fəryad"

Can- can

Yandın ürəyim kimsə sənə yanmadı can can
Şam tək əridin sübhün işıqlanmadı can can

Hər kimsədən əl tutdun ayaqdan səni saldı
Yansın o ürəklər ki sənə yanmadı can can

Can- can ürəyim hər gülə güldün tikan oldu
Yaz da yazıya döndü yaşıllanmadı can can

Hər qəmli baxışda bulaq oldun gözüm ancaq,
Bir göz də sənə dünyada islanmadı can can

Yeddi göy süfrəsinə bir para gün

Şahi şətrənci fələkdir (Fəryad)

Mat olub küfrilə iman ara gün.

Ərdəbil 82/5/12 Əsəd nikfə "Fəryad"

Gərçi yarım mənə gün ağlamadı
Bir ömür ağlamışam mən yara gün

Göy qucağında sızıldar yarası
Anasından da görübdür yara gün

Bir yeri yoxdu qalıbdı arada
Hara getsin, hara getsin hara gün?!

Yalvarır sən geri dur mən də çıxım
Nə rəvadır ki, aya yalvara gün

Ürəyi yanmış o da mən kimidir
Öz əlindən də gəlib zinhara gün

Araza tüşdü Muğan tutdu alov
Xançoban söylədi olmuş Sara gün

Nə gözü dardı bu dünya ki qoyub

Qaragün

Sübh açıldı yenə gəldi qara gün
Hayana getməliyəm mən qaragün?

Ürəyimdir ki bürünmüş kəfənə
Sanma dağlarda batıbdır qara gün

Mavı göy də sarı tel bir qız tək
Saçlarından asılıbdır dara gün

Çaylar aynandı ağaclar darağın
Yaylığı aç saçını bir dara gün

Qaç ha qaç düşdü qara yel yügürəndə qapıya
Sarı tel qız kimi gün qaldı duman çiynində

Ovçu qoycaq dizini torpağa ceyranlıqda
Ox əlində özün öldürdü kaman çiynində

Bu qaranlıqda yerin hər gecə bir çiyni batır
Günəşi saxlaya bilmir bu batan çiynində

Çox cavan qəbrə qoyubdur qoca dünya əzizim
Qoca torpağə gedər gərçi cavan çiynində

Odlu (Fəryad)ə dönüb sonsuz ürəklərdə yaşa
Deməmiş getdi filankəs də filan çiynində

Ərdəbil 82/2/15 Əsəd nikfal "Fəryad"

Yeddi göy qeyrət

Duyğular nəşi gedir qəbrə güman çiynində
Neçə Zəhhak ilan vardı zaman çiynində

Qopba- qopba düzülən düzlüyü görsəydi fələk
Min palaz ulduz oturmazdı yalan çiynində

Qanı yoxlar qəfəsində nə susubsan qanad aç
Yeddi göy qeyrətə bax üç ləkə qan çiynində

Qat ba qat yağ oturubdur aşın üstündə baxın
Inanın ki yaşayır yağlı yavan çiynində

Özümdən çıxmaram boş təbil kimi
Ayaq yalamaram yağlı dil kimi
Süpürgələnmərəm zir zibil kimi
Külə dönməmişəm közüm kimiyəm
Hər nəyəm özüməm özüm kimiyəm.

Yaşıl yaşamasam yazdan demərəm
Sızıltı bilməsəm sazdan demərəm
Dözümüm olmasa nazdan demərəm
Dözmüşəm dözüürəm dözüüm kimiyəm
Hər nəyəm özüməm özüm kimiyəm.

Sazım qırılıbsa sözüüm danışır
(Fəryad)ım yanıbsa közüüm danışır
Dodağım susubsa gözüüm danışır
Gözümdən sor məni gözüüm kimiyəm
Hər nəyəm özüməm özüm kimiyəm.

Ərdəbil 82/1/5 Əsəd nikfəli "Fəryad"

Özüm kimiyəm

Hər bir söz deyiləm yazasan məni
Kəsə yol deyiləm azasan məni
Ya bir qəbir kimi qazasan məni
Hər nəyəm özüməm özüm kimiyəm
Hər nəyəm özüməm özüm kimiyəm.

Qorğa tək sac içrə oynamaram mən
Hər aşda qarışılıb qaynamaram mən
Necə ki yazıram o cür varam mən
Şerimdə yaşaram sözüm kimiyəm
Hər nəyəm özüməm özüm kimiyəm.

Koroğludur bizim ata, Babək nişanlıyıq
Yaddan çıxılsalar çağırarlar sağır bizi.

Ərdəbil 81/8/14 Əsəd nikfəli "Fəryad"

Yüngül- ağır

Sonsuz zəmanə bir qarı tək hey sağır bizi
Bilməm tanıtıdırıb ona kim fağır bizi?

Qəm çəkmişik o qədri ki qəm bizdə canlanır
Gözlər bulud kimin danışanda yağır bizi

Bundan belə gəlinləri boğmaqda sus araz
Xanlar yüyürsə üstünə hay sal, çağır bizi

Uçmaqda yüngül ol uca dağ tək ağır yaşa
Bilsin kimik yel eyləsə yüngül, ağır bizi

Harda hava çaldılar bizləri oynatmağa,
Orda ninaşnaşladın day məni minnətləmə

Bizdə gəlib oynadın nöbə yetişcək sizə,
Ağlamağa başladın day məni minnətləmə

Oynamaq olmaz belə çıx bizim evdən çölə
Sən ki dığal xoşladın day məni minnətləmə

Lal dilə gül bağladın, amma məni görcəyin,
(Fəryad)ı alqışladın day məni minnətləmə.

Ərdəbil Əsəd nikfal "Fəryad"

Day məni minnətləmə

Evcikimi daşladın day məni minnətləmə

Eşqi daşa tuşladın day məni minnətləmə

Mən ağacın boynuna at kimi mindim çapam

Tez atımı daşladın day məni minnətləmə

Yaz kimi biz yam yaşıl bir oyuna başladığ

Sən niyə tez qışladın day məni minnətləmə

Qarnına çəkdin sabın verdilə bal bəlləsin

Yoldaşı ac boşladın day məni minnətləmə

Şuru naləm yandırar dindirsələr saz tək mən
Dadlı bir səs olsa da məndə nanaysızlardanam

Məndə eşq öldü, ürək əyləşdi səssiz ağladı
Oxşayan yoxdur mənə ey vay ki vaysızlardanam

Yarə naz etməkdə tay yoxdur mənə səbr etmədə
Mən də öz nöbəmdə bu dünyadə taysızlardanam

Ildırım tək (Fəryad)a gəlsəm buluddan söz yağar
Əhli dil yoxdur onunçün dad- haraysızlardanam.

Tehran 78/11/24 Əsəd nikfal "Fəryad"

Aysız

Atifə sultanıyam ancaq saraysızlardanam
Itmişəm saysız yananlar içrə saysızlardanam

Odlu qəmlər doldurubdur sinəmə çıxmır səsım
Bir susan vulqan kimi çoxdandı haysızlardanam

Od tutub yansam işıqlandırıram aysız dağları
Kim bilən bilsin günəşsizlərdən, aysızlardanam

Gözlərimdən parça- parça od yağır damanimə
İldırım vurmuş çöləm, çöllərdə çaysızlardanam

Ey kaş qələm titrəməyə susmaya barmaq
Ehsas, dumanlıqda yaşar bəvər əsəndə

Ey kaş səsim əsməyə (Fəryad)ə gələndə
Zülfün əli əldən üzülər məcər əsəndə.

Tehran 77/8/20 Əsəd nikfal "Fəryad"

Qəm hicləsi

Güllər dil açar vay- şüvənə, yellər əsəndə
Könlüm çobalar sinədə nilufər əsəndə

Qəm hicləsi göydə qurular ox pər açanda
Pərvaz batar matəmə qanlı pər əsəndə

Ey kaş bu ehsasım hərarətli qalaydı
Ağuşa alaydım çiçəyi yellər əsəndə

Ey kaş sədəf dərdə dözə qövhərə xatir
Röyası şərabın dağılar sağər əsəndə

Bəlalı bəxtə dedim məndən əl çək insafsız
Dedi nəcür çəkər əl çöldə daş daşlıqdan

Qazan üzün qara olsun o qədər dözdün oda
Heç oldu ayran axır çıxdı aş aşlıqdan.

Tehran 77/8/5 Əsəd nikfə "Fəryad"

Bəlalı bəxt

Nə halda gördü məni çıxdı daş daşlıqdan
Baş üstə çıxdı ayaq, oldu baş başlıqdan

Məramı əyri olandan sədaqət umma könül
Nə düzlük öyrənəcək əyri qaş, qaşlıqdan?

Daşın başında unutmaz özün həmasəli moc
Əyər bezikməsə bir damcı yaş yaşlıqdan

Eləy ki gördü mən, məndə qalsam ölməliyəm
Hüşəndi bir üzük üstündə qaş qaşlıqdan

Fələq mənimlə nəfəslənsə göy də körpü vurar
Şəfəq bağında bitər odlu bir gül ahimdən

Dəyəndə zəxmə tara od tutardı üç mahur
Sızıltı öyrənə bilsəydi bir tel ahimdən

Alovlı ahımı yellər aparsa səhrayə
Alovlı dağ kimi (Fəryad) edər çöl ahimdən.

Tehran 77/1/28 Əsəd nikfal "Fəryad"

Alovlu qanad

Qaralsa göyçək üzündə sarı tel ahimdən
Şəlalə saçlarını gizlədər zil ahimdən

Yel əssə şölələnər şaxələr ağaclarda
Ki bir alovlu qanad borc alıb yel ahimdən

Mən olduğum yerə bir kimsə üz dolandırmır
Gəlibdi tənqə müsibət çəkən el, ahimdən

Sərinlik ummasın ellər sərin bulaqlardan
Bulaq nədir, olub od parçası sel, ahimdən

Xəcalətindən ərir olsa qeyrəti şəmin
Eşitsə baxçada pərvanələr çıxıb yaddan

Haçandı həlqələyən yoxdu eşq zəncirin
Bu çöldə olamaya divanələr çıxıb yaddan,

Çəməndə danələri danə- danə yel aparır
Qəfəsdə quşlar üçün danələr çıxıb yaddan

O gün ki (Fəryad)ımı bağladı qıfıllı sükut,
Tikan dil açdı ki, reyhanələr çıxıb yaddan.

Gəlin verək əl- ələ eşqi düşməsin gözdən
Deyər tanışları biganələr çıxıb yaddan.

Tehran 76/10/20 Əsəd nikfal "Fəryad"

Qızıl qəfəs

Könül qan ağla ki, meyxanələr çıxıb yaddan
Öpüşlü, sevməli peymanələr çıxıb yaddan

Sınıq ürəklərə yol göstərər qızıl sözlər
Neçün bu gənclə viranələr çıxıb yaddan

Tikanlar üz- gözünü yel tumarlayır çöldə
Hənəli saçlar üçün şanələr çıxıb yaddan

Quşun da quşluğunu simu zər alıb əldən
Qızıl qəfəs düzəlib lanələr çıxıb yaddan

Ayrılıq can tapıb rəngə gələndə
Qüssələr mənimlə cəngə gələndə
Qürbətdə nəfəsim təngə gələndə
Qardaş çağıraram, ata səslərəm.

Ata bir nemətdir böyükdür adı
Qardaşdır qardaşın qolu- qanadı
Bir az acılaşsa ağzımın dadı
Qardaş çağıraram, ata səslərəm.

Düşəndə dumanı batanda çənə
Qalanda qəfəsdə baxanda dənə
Daldan namərd oxu dəyəndə mənə
Qardaş çağıraram, ata səslərəm.

Baş alçaqlananda ayaq güləndə
Dərya quruyanda bulaq güləndə
Ürək ağlayanda dodaq güləndə
Qardaş çağıraram, ata səslərəm.

Ərdəbil 78/4/24 Əsəd nikfal "Fəryad"

Ata- qardaş

Savalan bağı tək od ilə dolsam
Baharın döşündə gül kimi solsam
Namərdlər qarşında köməksiz olsam
Qardaş çağıraram, ata səslərəm.

Onlar bir tərəfdə mən bir tərəfdə
Quş bir tərəfdədir dən bir tərəfdə
Yolumu bağlasa çən bir tərəfdə
Qardaş çağıraram, ata səslərəm.

Əyər ki quş kimi hər damə uymadım ancaq,
Salıbdı yer yaralar danə- danə könlümdə

Fərəhli bir baxışa yer tapanmıram neylim?!
Qəm adlı bayquş edib aşıyanə könlümdə

Zəhərli dil yarasından hüşəndim, ağlamadım
Çox idi yoxsa gözümçün bəhanə könlümdə

Vəfadan ayrı gəzən kimsədən vəfa umdum
Vuranda bəzri məhəbbət cəvanə könlümdə

Alovludursa içim dağ kimi yaşıldı başım
Sızıltılar oxuyurlar tərənə könlümdə

Bu gözlərimdən əyər süzsə min, sükutlu baxış
Yaşıllanar yenə (Fəryad)ə lanə könlümdə.

Tehran 74/5/21 Əsəd nikfal "Fəryad"

Bu qəzəlin başlanışı əziz qardaşım Allahverdi nikfal
"Milad"dandır

Fərəhli baxış

O qədər qəm qalayıbdır zəmanə könlümdə
Çəkir tənuri cəhənnəm zəbanə könlümdə

Bu könlüm oxşasa gər qanlı səngərə nə əcəb
Edəndə tiri bəlaya kəmanə könlümdə

Qələm əlimdə kağız sinəsində od qalayır
Yanıqlı kəlmə gələndə bəyanə könlümdə

Quşun çəməndə qana batmağın inanmazdım
Boyanmasaydı əyər arzı qanə könlümdə

Ürəklərə baxsan əyər hər birində min yara var
Qoca səyyaddı bu dünya bilir vura hara yara

Zaman tutdu kamanını oxun atdı mənə sarı
Könlüm oldu iki para, para niskil para yara

Ox yarası gedər axır, getməz ancaq dil yarası
Yara əyər dildən olsa necə gələr kara, yara?

Gecə gəldi gün qaraldı belə dedim öz- özümə;
Necə fələk razı olur ağa vura qara yara?

Deylər yoxa ziyan gəlməz kaş var olum ziyan gəlsin
Yox ki, yoxdu (Fəryad) denən dəysə dəyər vara yara.

Ərdəbil 66/6/16 Əsəd nikfal "Fəryad"

Yara yara

Bir gün axır könül quşum qol- qanadı yara yara
Qanadlanar yara tərəf hicran qəlbin yara yara

Eşq aləmi çox gözəldir, çox da gözəl qaydası var
Aşiq keçir öz canından, vurmur ancaq yara, yara

Araz gəlir dəyir daşa, belə deyir daşa daşa
Vurubdu könlümə mənim Xançobanla- Sara, yara

Əgər gülü saraltdılar xara denən çox tələsmə
Məyər gülə yara vuran, vurmayacaq xara yara,

Dan ulduzum.....	190
Qoca subay söz	192
Bilməm nə deyim.....	194
Hörümçək toru	196
Ağzımı açma.....	198
Gizlin ax vay.....	200
Göz var işıq yox.....	202
Ala qarğa.....	204
Xəbər al.....	206
Can- can	208
Qaragün.....	210
Yeddi göy qeyrət.....	213
Özüm kimiyəm	215
Yüngül- ağır.....	217
Day məni minnətləmə.....	219
Aysız	221
Qəm hicləsi	223
Bəlalı bəxt.....	225
Alovlı qanad.....	227
Qızıl qəfəs.....	229
Ata- qardaş.....	231
Fərəhli baxış.....	233
Yara yara.....	235

Kitabın içindəkilər:

Uca boy kəfən	121
Xəbərsiz	123
Susuz söz.....	126
Nə tez yubandın sən.....	128
Şirin dərd.....	130
Bir ağız hava	132
Kəs ha kəs	134
Sənsiz	136
Yara şairi.....	138
Mən öləndən sonra	140
Cəhənnəm tökülür.....	142
Arxasız	144
Bəxtim.....	146
Hər ikisi.....	148
Parça- parça arzı.....	152
Təkcə siqar	154
Durum gedim	156
Qənim.....	158
Çox az	160
Bayram payı.....	162
Bəs kim biləcək.....	164
Qan pərdəsi	166
Nağıl.....	168
Məni söndürmə	170
Nə düşməndi bu dost.....	172
Dolan sənsizliyi.....	174
Bir küzə oxay	176
Neçəyə	178
Yam yaşıl	180
Mən də sən də	182
Çərşənbə payı.....	184
Kəsmə şikəstə namaz	186
Kim kimədi	188

